


石萃編



百廿二之三




					漢書門
		二	四	七	
	一	三	六	九	
六	三	六	七	三	
冊	架	函	號	類	

庫文閣內			
五	四		漢
函	七		書
一	六	三	
七	三	三	
架	冊	號	類

內閣文庫	
番號	漢 2473
冊數	63(53)
函號	297 110





金石萃編卷一百三十二

賜進士出身 誥授光祿大夫刑部右侍郎加七級王昶撰

宋

零陵縣華嚴巖詩刻四段

石橫廣二尺七寸高二尺七分十六行行十二字正書



癸酉仲夏自口道口華嚴山主正師上人

遇今忽至止且云口口口口口口口口口口口口

口口口口口口口口口口口口口口口口口口口口

壤衲相過羽服迎可憐口靜口營營我思江上忘身計

師出山中乞寺名振錫迴還心未住江浙湖湘名山布勝



金圃口意方平口口口零陵泉石三湘最莫踏口口口

口口華嚴也口口口口口口口口口口口口口口口口

口康定元年季秋九日開山住持沙門

小師知遷口口口口德口忍守口口口口記口口

又橫廣二尺三寸五分高一尺四寸八行行五字行書山生五韻上人口口口

口菴僧房路屈盤不踰城郭到林巒何人爲假丹青手
寫入輕綃掛壁看

元祐八年邢恕和牀

又橫廣二尺四寸高二尺一寸行行十六七八字不等行書

先君滄江守三池丁祭宿口口賦

洙泗口口日夜行天高地下昨猶今口口口口六經意

識得皇皇萬古心宗口百官誰不見口口口口口知音

同人得似三池盛屬目冠口口若林

豈假守二水秋丁釋奠宿齋靖惟湖口口學自周

元公倡之五峯南軒繼之遠有端緒因記先君舊

賦和韻述懷錄呈別駕併柬僚友寶祐元年秋八月

丁未會誓虞 豈

正學昭昭貴力行湖湘一派到于今好翻愚島詞鋒手

密察濂溪理窟心二水秋清巖奠禮九經口口口口音

詠歸也覺西風口口口口口口口口林

詩又高一尺八寸廣一尺三寸五分五行行七字行書

人如泡影隨時滅口口華嚴振古存今世摩挲前世刻

晚鐘山寺口黃昏

景定癸亥中

按零陵縣屬湖南永州府華嚴巖在縣南方輿勝

覽唐時為石門精舍據法華寺南隅崖窅此所揭

詩皆磨崖一為丁謂與正師上人詩題曰癸酉仲

同人夏是歲為明道二年時謂自崖州貶所徙雷州又

始曾徙道州授祕書監致仕故又題麟臺致政也次為

邢恕元祐八年所題時恕方責監永州酒放浯溪

集有恕遊浯溪一絕其畱題華嚴當即同此遊也

次為虞珪即展字無攷末一詩不著姓名癸亥為景

定四年

重修昇仙太子大殿記

碑高八尺廣三尺八寸十六行行四十七字正書篆額在偃師縣緱山仙君廟

聖宋西京永安縣緱山通天觀重修昇仙太子大殿記

朝奉郎尚書度支員外郎直集賢院同判河南府輕

車都尉謝絳撰

將仕郎守河南府右軍巡判官王顧篆額

豫章僧智成書

夫大道希微而不可詰者尸萬化之育而歸於自然
上帝杳冥而所以尊者宅太虛之奧而蘊於無迹有生
御辯裁如委蛻列真炳靈欵若脫屣是皆籍在仙品格
于殊鄉茫乎邈焉未易究極者矣晉昇仙太子叅華
帝胄遺榮少海注瑟對輿臣之間挹袂接浮丘之游去
龍樓於震宮作鳳吹於洛曲三年上賓於帝所七日舉
手於雲阿陞右弼於玉晨職金庭於桐栢丹符素券親
受紫陽空洞靈音迭歌句曲遺俗疑慕逖聞吸日之謠
故山橫絕綽有順風老舞因是標槩作為叢祠光塵藹
如區處增勝唐天后聖廟中親製紀勒設置守衛厥後
靡易基兆再新觀宇年籥寢遠壞梁不支殿屋之餘鞠
爲宿莽初天聖四年今西西都分憲趙公以祠部郎
中治園園邑也會出境上卽欵廟廷念高構之衰乘
民政之隙謀作大壯以舍真像公公首捐資用及率
顓里人呂仲簡等相與俛助聿來營之粵自侔圖迄于
役罷日力勿亟夫家不勞地爽且靈蔚爲福庭重陞叢
楹茲焉落成山月林風徘徊有待雲璈玉簫肝蠻如接
眸容淵穆而再儼蜺仗禁麗而肅設控衆真之妙境奠
景室之神輿音徽未泯軒臺西向而可畏岸谷相變靈
光巋然而獨存可與夫姑射仙人能飲露建安舊壤

洲名墜馬者比焉以余稔聞興并懼逸歲月見咨撰述不獲讓云時明道二年六月一日記

中奉大夫太常少卿權西京留司御史臺上柱國天

水縣開國男食邑三百戶賜紫金魚袋趙世長建

孫將仕郎守河南府永安縣尉垂祐同立

太原口思道刊字

助緣人進士口拱 學究趙靜 董正 馬驥

教練使呂若冲 姪仲宣 勾當人 馮遂

碑文工整字亦端秀有唐虞褚風格緇流辦此當有

書名而不聞其人或有捉刀者與 中州金石記

億按碑記西京留司御史臺趙世長首捐資田重營

殿宇也首列朝奉郎尚書度支員外郎直集賢院同

判河南府輕車都尉謝絳撰絳見宋史傳云會修國

史以絳為編修官史成遷祠部員外郎直集賢院又

云因請便養通判河南府案碑所謂同判河南府是

其時也但碑以尚書度支而史作祠部宜以碑為正

至篆額為王顧顧於史無傳今可見者將仕郎守河

南府右軍巡判官職官志軍巡判官無左右之文錄

此以補史所未備歐陽集有河南府司錄張君墓表

云得金谷古塼命太原王顧以丹為隸書今篆額者

亦卽其人則篆隸顧蓋兼之矣古人材而且藝益足寶也表言張君卒在明道二年八月王顧旣爲之書塼納壙而篆額亦以是年六月必與希深同居幕府也希深以文學知名余觀碑所記襍於神仙方士家言蓋不稱其體製余故不具論碑陰宣和己亥題名一右側元符庚辰題名一紹聖元年題名一左側元祐庚午題名一

假師金石錄

按昇仙太子殿興建原委已詳六十三卷中茲不復述此碑撰者謝絳篆者王顧絳平時與歐公交善絳父太子賓客濤卒歐公嘗爲銘其德及絳卒

歐公復爲誌其墓文見文忠公集中稱絳以文知名至於爲政無所不達其歷官政績大致與宋史本傳相同至云天聖中與修真宗國史遷祠部員外郎直集賢院通判河南府歲滿權開封府判官再遷兵部員外爲三司度支判官亦與史同以臆揣之當由絳兩官度支判河南時爲員外郎遷兵部時爲判官歐公於判河南脫略其度支修宋史者本此爲傳亦因之失書耳又歐公撰河南府司錄張君墓表在嘉祐二年其張君墓誌銘亦歐公撰王顧以隸書金谷古塼納壙中在明道二年自

金石錄卷之二十三
明道二年至嘉祐二年相距二十五年而歐公但云王顧之死已六七年矣不詳王顧事實亦不言其官位賴此碑知明道二年官守河南府右軍巡判官也檢書譜亦但引歐公張君墓表數語爲王顧立傳不及他書蓋王顧失傳久矣

玉兔淨居詩

石高二尺四寸四分廣三尺四寸四分十六行行十七十八字不等行書

朝請郎守尚書度支員外郎充集賢校理知解州軍州兼管內勸農提點兩池事輕車都尉賜緋魚袋借紫張仲尹

晉右軍將軍王羲之書 慈雲寺沙門靜萬集

晉之神山縣有淨居曰玉兔建樹之本記悉脩之天聖八年秋寺僧應公袖墨本事跡訪余爲詩因覽源流實曰勝槩感激勤至何以固辭乃成一章章三十句雖文涉陳淺事無新異與今作者藻思弗侔蓋所以塞其來意用旌好事云耳

何事回真館標名作淨坊金園存廢址玉兔効殊祥躍漢勞豈網環山瑩雪霜來疑崑岫出去訝月輪藏隱顯經千載薰修蔭一方寶壇曠道祖華榜耀空王奧域居全晉靈祠接慶唐煙霞生四面樓殿起中央暎日杉陰

合飄空磬韻長伊余聞勝槩寧惜寄篇章
明道二年中秋日講經論修造主僧志應立石

當郡栗文德刻

此晉之玉兔寺志應請之張仲尹詩之靜萬集右軍
書之集書起自文皇聖教后之興者茲以加矣此書

尚不及絳州碑僅存形似耳詩則余不敢知也

石罌
鐫華

按宋之晉州神山縣今為浮山縣屬平陽府山西

通志玉兔寺在浮山縣西南十里故神山縣廢城

也唐武德二年平陽西北今汾西地有玉兔見造

使祭之勅建玉兔觀麟德初兔復見勅增修萬歲

通天二年兔又見履空而行遣中使王文恭求獲

玉兔偕平陽守杜承衍躬往兔出徐步趨之經數

日兔至平陽東神山縣西南隅而隱隱處穿地丈

餘獲玉石兔上貢命建玉兔觀于其地長安二年

河東路巡按使刑部尚書李景副使王永署平陽

守錢光演同遊觀中于風穴山脚下見一僧引十

餘巨虎頂放白光言此地有虎患吾伏之告以姓

氏言訖而化因奏改觀為寺此玉兔淨居之始末

也通志又云寺有宋明道二年僧靜萬集王右軍

書賈昌朝王隨詩今碑是張仲尹詩與通志不合

會聖宮碑

詩言寶壇隳道祖華榜耀空王卽指改觀爲寺之事云靈祠接慶唐者開元十四年建慶唐觀天聖五年改爲天聖宮詩特循舊稱爲慶唐在縣南三十五里羊角山麓

碑高一丈八尺七寸廣八尺三寸三十分六行行八十四字正書篆額在偃師縣

大宋新修西京永安縣會聖宮碑銘

并序

翰林學士金紫光祿大夫行給事中知制誥判集

賢院勾當三班院上柱國樂陵郡開國侯食邑一千

二百戶食實封壹伯戶臣石中立奉勅撰

翰林待詔御書院祇候臣李孝章奉勅書并

篆額

臣聞宅萬邦而垂統者帝王之丕業也故

奉先之道崇其孝而爲大亘百世而流

光者祖宗之懿德也故錫羨之口

口其耀而彌顯成周之下惟洛食驗風雨於神樞炎劉

之作我上京游衣冠於高寢蓋以欽其世烈奠厥靈居

履霜露以霑裳聿凝宸感列枌榆而建社爰

國章非夫鳥弈垂休無以襲巍

巍之盛吉蠲致饗無以口烝烝之口

寶系有開

皇眷攸屬

我國家應

五運之會接

三神之歡

炎上騰精赫

淳耀而斯渥

靈長啓祚濬

洪源而

莫紀

太祖誕受

休命恭膺

正統下民欣戴洽謳歌而有歸協氣橫流偉符瑞之交

薦 振一戎而大定

總萬廷而克昌

化廸清平

□□□衍

太宗挺

惟睿之德恢

至治之具

聲明震疊

紀律昭宣

嘉靖庠邦以攬乎權綱之要

欽承

大卞以建乎中和之極舜階舞羽□□□來格義□□

□□□□□□□□□業聿臻太□

真宗

紹復

丕基憲章遂古

重華協

帝天啓於

神謨

濬哲惟商日躋於

聖政宅群萌於醴粹納百揆於雍和展采介丘

□□□□□□□□之貺

鳴鑾景毫以揚希闕之

儀微胡瑣而□頤

□有容而必照卓越之

度不可稱已

皇上財成

景化祗適

先猷蘊

清□而在躬守

慈□以為寶

御

六□之辨

□和於天人

躬干

畝之耕

憂勤於稼穡

嚮明成南面之□

□□如流水之源

欽恤度刑以徹乎脂網

之密

詢求多士以來乎骨鯁之口貴金玉以垂

度一文軼以敦風

德洞淪冥

信周翔泳

興廉舉孝所以灼于邦光□□民所以厚于時□

□□括至道也

陛下能行之

虔輦勞謙聖則也

陛下能守之滋液之休披圖

而可見幅員之廣

闢續以惟明

其居也

靜而淵

其動也博而利俗躋壽而胥悅家懷讓□

□□

順考□道

欽奉天經

眷

三川之舊都乃

列聖之攸宅土圭測景契陰陽

之和文龜負圖開神明之奧水繹繹以凝耀氣葱葱而

發祥

兆域有嚴

封樹相望

三后在天

因山爲體自成於宏敞分繚垣而屹立植雙表以齊平

折衷其宜高視前世以謂

折衷其宜高視前世以謂

蘋藻之奠未廣於寅奉謹按地志訾王山者冠於諸阜

僉□□協太史之明□錫鳳臺之紀號前瞻少室偉

靈異之所躋却負太行邈

兼會介周鄭之通衢嵩巔豁以中開溪聲浩其雙接自

天聖八年孟春之初□議胥□□

闕宮之靚深揆緯裁基以程乎豐約審曲面勢以
極乎經營人以悅來匠以心競林衡儻木文櫪綺栢之
質山積而登用大壯取象上棟下宇之飾翬飛而增麗
粲餘霞於鏤案歷倒景於□□ 殊庭砥平界道繩
直礮他山之石□□於交楯節睢陽之杵以峻於頽糊
據寶勢之凌兢迺初陵之岑寂圓淵綺煥翔鷗
仰而弗逮重椽櫛比尺蠖動而成響翼長廊之四注旅
萬楹而有閑輪焉奐焉稽百□之詠去秦去甚振三代
之規章程明密而神迷其方登降照爛而日眩其際不
愆于素罔或告勞越明年閏十月十有五日常成隱若

中天宛如化出乃降

溫詔命曰

會聖揭諸

銀榜煥在琬題保

天祚於寢昌旌

神功於不

朽於是宏開

秘殿儼設

眸容珠幄煥黃藻

旒掩萬鼎峙而分

聖位玉溫而聳

天暉

想

豐豐穆穆之風

尊嚴可象仰

嚶嚶叩叩之德表

則斯存率拱侍於勲臣灼□

儀於近列其中則朱堂天邃瓊壁環周絢妙繪以交施
象 內朝之有肅銀璫左貂給事殿省之列旅陳

于外壁口金屋充選掖庭之綴序分乎內銜組樹羽激
越鈞天之奏鱗差於後百司具備五采咸彰正爵辯儀

趨翔而中節隨形象口炳煥以揚輝落成之日特遣使
以奉安之昭殊禮也復陳法醮旋啓清

場延駕歛之高真集屏塵之上士

金仙羽襪凌汗漫以交舒紫極靈章叩青

冥而上達仍開宮五日許士庶朝謁衣纓雜襲綺組續

紛倚裳連襪以並趨蹈德詠仁而胥樂表裏悅穆室家

相慶口口典煥乎惟新每星駟展幹天畿促駕或銜

如絲之旨或被追鋒之召施悠悠而照野人憧

憧而假途咸造于庭以申虔奉疏瀹澡雪以滌於塵口

口蹠曲拳以遵於臣禮著在甲令垂為景猷揚世廟之

威口口朝家之軌範爰命中使總莅其官闔闢

有程督察無曠仍即其東南之地特崇其像設之居寶

色煥乎焜煌禪林美乎縈口霓軒雲閣隆九仞於鹿口

口梵晨鍾交二音於鷲嶺曲池涵功德口口眾果散清

涼口口口狎臻法筵大啓廣宣妙諦以扇一

極之風格奉真游以濟三乘之轍四事之資給

豐矣百福之莊嚴備矣若乃寒暑易候寅昏警時陳口

口之口儀展祈禱之精意仙唄交發將口口以共清嬰

香馥芬與煙雲而競合等海聚之無量期道濟於不窮

神其格思化感無外此乃

陛下聿追來孝翁受敷施濬發
睿心于以加於
百姓夤威
景命于以奉於十倫宜乎
不純
嘏來同
不應紹至需
殊休之汪濊洽
靈寢之鴻平丹羽巢阿紛綸而表慶仙衣拂石延
楸以齊榮永底蒸口之生茂揚
盛德之事者矣臣
職塵扇禁學味縑細踟影
丹帷曷承荅於
清問褒功樂石莫攄發於英辭仰被
俞音內
增惕厲敢揚
懿範度示方來銘曰
炎靈啓運
赤伏呈祥
造我區夏
揚其烈光
真
系有屬
口徽聿昌
緹油茵藹
瓜瓞綿長
於鑠

三后

繼天作聖

口冒生民

紹開明

命則堯爲大
與黃比盛
九服咸歸
萬景攸正
我皇嗣統
化格深淳
昭章雲漢
獨運陶鈞
禹不自假
湯惟又新
漏口疏渥
弛罟推仁
奉
若
先猷
崇茲孝志
在祀彌恤
因心
罔匱
對越
清廟
備成福事
孺慕興
懷
時思展義
乃眷溫洛
實惟帝都
壽陵高敞
拱木紛敷
風樹不止
春露旣濡
口崇胥宇
永奠靈區
爰建
清宮
俯臨劇縣
率
見昭考
以時致薦
列堵若星
揮斤軼電
凹凸

疑采 丹青點絢 雲屋天構 陽榮霧披 以安

靈展 以奉 仙祺 垂旒寫照

澤玉含姿 克昌厥後 永言 孝思

傍啓 梵庭 廣營 佛寶 禪

慧攸集 土木兼造 珠幡映日 金繩界道 讚頌

□□ 薰修致禱 惟 祖德芳貽謀 惟 帝心芳

荷休 誠優肅之所感 期戩穀以來求 經始勿亟

兮卜茲寶勢 告厥成功兮靡逾間歲 壯崇址兮控

三川 佑丕圖兮垂億□

景祐元年歲次甲戌九月丁亥朔十三日己亥建

中書省玉冊官 御書院祇候臣□□□

入內內侍省內侍高班勾當 會聖宮同監修碑樓

臣楊承政

入內內侍省內西頭供奉官監修碑樓權勾當 會

聖宮臣蕭繼元

禮賓副使勾當 御藥院提點管勾 會聖宮臣任

承亮

宮在北邙山鳳臺山上爲宋時祭陵飲福之所宋史
云天聖八年春正月作會聖宮于西京永安縣以奉
三聖御容歐陽修亦有會聖宮頌云國家采漢書原

金石錄卷一百三十一
廟之制作宮于永安以備園寢碑立于景祐蓋天聖
年作宮至是始成也宋時永安金改芝田縣今爲偃
師芝田鄉碑云按地誌訾王山者冠於諸阜僉曰隩
區考水經注洛水又北逕偃師城東東北歷鄴中逕
訾城西司馬彪所謂訾聚也訾王山當以訾聚得名

矣

中州金
石記

金石攷景祐元年呂仲元撰志載元祐九年建宋臣
石中立撰文或係重修爲文以記童鈺按歐陽公有
會聖公頌未見石刻現有會聖宮碑乃景祐元年石
中立撰李孝章書金石考以爲呂仲元撰不知何據

縣志亦爲元祐九年亦誤億案玉海天聖八年正月

辛巳詔內臣張懷恩於永安縣訾王山上建三聖宮

漢原廟
之制

九年二月宮成甲辰以爲會聖宮三月甲寅

奉安三聖御容改訾王山爲鳳臺山今碑所謂訾王

山首冠諸阜僉曰隩區協太史之明占錫鳳臺而紀

號卽此事也

史文于改山
名畧而不書

至碑云自天聖八年孟春

之初首議胥宇下云越明年閏十月十有五日宮成

宋史仁宗本紀八年春正月辛巳作會聖宮於西京

永安縣與玉海同至云三月甲寅奉安太祖太宗真

宗御容于會聖宮則脫書九年矣今碑文所載越明

年閏十月十有五日常成下云宏開秘殿儼設辟容則在九年十月與玉海記九年三月者月則迥殊而言八年三月奉安御容者又差隔一年則更誤也會要云閏十一月十五日官成遣三司使晏殊迎三聖畫像奉安攷是年十一月不置閏會要當於十字衍一字其餘皆同此碑碑當時所書必非舛誤宜依碑

為正

偃師金石錄

永興軍牒

碑高一丈一寸廣四尺七寸作兩截書上十六行下十四行字數二十六至八十三不等正書篆額在西安府

中書門下

牒永興軍

西蜀眉陽僧惟悟書

宣德郎試秘書省校書郎權節度掌書記管句府學

陳諭篆額

戶部侍郎知永興軍范雍奏

國家剽甲敦儒宅中開緒繼人文而布度建皇極以凝猷三公論道於巖廊九牧偃功於方岳內則啓集仙之署招鰓口髦外則崇太學之官典教胄子臣伏見奉府城中見有係官隙地欲立學舍五十間乞於國子監請經典史籍一監仍撥係官庄田一十頃以供其費訪經

明行修者爲之師範召篤學不倦者補以諸生候

勅旨

牒奉

勅依奏許建立府學仍勘會於係官荒閑地土內量撥
伍頃充府學支用及令國子監賜與九經書籍不得假
借出外及有損污散失仍令本軍常切選差官一員管
句候得替批上麝子遞相交割牒至准

勅故牒

景祐元年正月五日

刑部侍郎叅知政事宋

戶部侍郎叅知政事王

工部尙書平章事李

門下侍郎兼吏部尙書平章事呂

時

大宋景祐二年歲次乙亥二月八日立石

應高蹈丘園科府學講授高口

節度推官宣德郎試大理評事趙惟清

朝奉郎試大理司直兼監察御史權觀察判官周宗

範

節度判官朝請大夫試大理司直兼殿中侍御史何

禮賓副使兵馬都監在城巡檢兼管勾駐泊軍馬公
事蔚信

禮賓副使駐泊兵馬都監兼管就糧本城軍馬公事
賈璘

朝奉郎尚書比部員外郎通判永興軍府兼管內勸
農事上輕車都尉賜緋魚袋梁吉甫

六宅使昌州刺史駐泊兵馬鈐轄兼管勾七駐本城
就糧兵馬公事盧守勲

邠州觀察使駐泊馬步軍副都部署兼管勾七駐本
城就糧兵馬公事張遵

金紫光祿大夫行尚書戶部侍郎知永興軍府兼管
內勸農使管勾駐泊軍馬提點軋耀商華坊丹同等

州巡檢兵甲公事上柱國高平郡開國公食邑三千
八百戶食實封一千二百戶范雍

皇叔推誠保順同德協恭贊治崇仁亮節守正佐運
翊戴功臣永興鳳翔等軍節度管內觀察處置等使

守太師尚書令兼中書令行雍州牧鳳翔牧荆王賜
劔履上殿詔書不名食邑二萬二千三百戶食實封

壹萬戶

專知官滑仁口

按此碑乃景祐元年范雍知永興軍奏請立學舍
頒經史撥庄田朝廷依奏而給此牒也立學大事
宋史及東都事畧俱不書選舉志於仁宗卽位但
載賜兗州學田及命藩輔皆得立學而不及永興
立學賜田之制文獻通考學校門不詳范雍之奏
隆平集學舍一條祇紀書院之制而郡縣學畧焉
陝西通志西安府學宋以前全不載是以無從與
碑叅攷也牒載令國子監賜九經書籍不得假借
出外損污散失令本軍選官一員管勾替相交割

朝廷慎重經籍之道詳審精密於此可見年月後
列銜四人有姓無名以宰輔表攷之刑部侍郎叅
知政事者宋綬也戶部侍郎叅知政事者王隨也
工部尚書平章事者李迪也門下侍郎兼吏部尚
書平章事者呂夷簡也後列銜名十一人內三人
泐其名餘八人中惟梁吉甫史附梁鼎傳鼎子華
陽人而不詳事蹟盧守勲見宦者傳字君錫開封
祥符人累官昌州刺史明道中罷爲永興軍兵馬
鈐轄徙鄜延路再遷六宅使范雍本傳累官尙書
禮部侍郎太后崩罷爲戶部侍郎知陝州改永興

金石錄卷一百三十一
軍正與碑給牒之年合餘人無攷蔚信之姓蔚似
卽尉字想宋時加艸作蔚然史書所載尉姓至北
齊而止隋唐以下不但無蔚且無尉矣末列皇叔
泐其名宗室傳太宗第八子元儼仁宗卽位封定
王拜太尉尙書令兼中書令賜詔書不名天聖七
年封鎮王又賜劔履上殿明道初拜太師換河陽
三城武成節度封孟王改永興鳳翔京兆尹封荆
王遷雍州鳳翔牧悉與碑合則碑所泐者乃元儼
也功臣之號宋史職官志及文獻通考賜皇子皇
親文武臣僚外臣共有三十八字注云初加四字

次加兩字此碑所載功臣號其二十字大抵初加
四字餘十六字則八次遞加也又史志載賜中書
樞密臣僚者有推忠二字賜皇子皇親者亦有推
忠二字此碑推誠二字史志所無餘十八字俱與
史合且泛觀他碑之賜臣僚者亦有推誠二字則
推誠非碑誤而史志作推忠者誤也

文獻通考
同此誤

永興軍中書劉子

碑高六尺二寸三分廣三尺五分十
一行行二十八字正書在西安府學

戶部侍郎知河陽軍范雍奏臣昨知永興軍體量得前
資寄住官負頗多子弟輩不務肯楸唯恣嘲謔輕薄鬪

諫詞訟自來累有條約與諸處不同有過犯情理重者
並奏聽敕裁然終難峻草蓋由別無學校勵業之
所是致輕悍成風臣到任後奏乞建置府學兼賜得九
經書差官主掌每日講授據本府分析卽今見有本府
及諸州修業進士一百三十七人在學關中風俗稍變
頗益文理見是權節度掌書記陳諭管勾欲乞特降
勅命指揮下本府管勾官員令常切遵守所立規繩不
得隳廢候

勅旨右奉

聖旨依奏劄付永興軍准此者

景祐二年十一月一日宣德郎試秘書省校書郎節
度掌書記管勾府學陳諭立

安亮刻

按碑載景祐二年范雍知永興軍以寄住官員子
弟不務肯構恣行過犯因請建置府學賜九經書
每日講授見有修業進士一百三十七人在學關
中風俗稍變乞勅命指揮令常遵守規繩不得隳
廢奉聖旨依云云宋史傳雍字伯純河南人仁宗
朝累遷尙書禮部侍郎章獻太后崩罷爲戶部侍
郎知陝州改永興軍傳但載其關中饑疫雍爲賑
恤而不載建學教士之事夫寄住官員子弟不守

家風務爲嘲謔鬪訟雍設學教之使不致比匪蕩
檢則縉紳之家蒙其益者多矣此誠爲治之大不
可畧也因表而出之

文宣王廟講學堂記

碑連額高九尺六分廣二尺六寸三分十九行行五
十四字正書篆額題講學堂記四字在曲阜孔廟

兗州仙源縣至聖文宣王廟新建講學堂記

泰寧軍節度行軍司馬朝散大夫檢校左散騎常侍
騎都尉賜紫金魚袋成昂撰
承奉郎守將作監主簿孔彥輔篆額
知景靈官事宗一大師賜紫孫正己書

昂志從師學觀

夫子道庶幾識其門因事

贊言當會歸焉是生足矣假天與幸於百歲固心死
吝於一日也戊戌秋迺

帝恩允臺中郎就

戎典午卜老東蒙庚子春預從

御禮備貢

亞獻陪祭于

廟屬中有工度堂構始思賁

新成俟酬宿願初匠事云畢幾造至極比求乎一意何
擁畜間年而趣無所得豈聖道藏密不可見乎將大權
反合難爲狀也幸覽韓公愈處州碑曰天下通祀惟社
稷與孔子焉然以社稷壇而不屋取異代佐享豈如孔
子巍然當座用王者禮以門人爲配自

天

子已下北面拜跪薦祭誠訖禮如親弟子者又以自古多有以功德得位而不得常祀不得位而得常祀者其祀事皆不如孔子之盛所爲有生人已來未有如夫子者其賢過於堯舜遠者韓以孟子言其効歟昂適不得已但廣明孟意覲實賢過之言耳夫道以無用妙以神名德涉有動率以形累聖人有以見其本知其末以無不可以無顯必用有明以有不自於有生必待無造然有以形爲局有極無以神用運無窮蓋神者無不應者也應設至微不可以有極測有者有所係者也係設至大不得與無窮稱若乃無有混融短長相取處無窮以

觀有極者窮窮則理應生變變則易故爲新神行而理通雖復堯舜之應靈有期文武之卜世有數將無窮也居有極以計無窮無窮者通通則物或有矜矜則轉得爲失形滯而物窮雖復天地以覆載能常日月以運行能久恐有極也大哉

我夫子貫本末以研幾持中正而應動恍惚萬變優游一致物當崩壞我得經緯於後先理在會通我得彌綸於終始斷御群有用出至無豈固時來以必位叙而後伸其道也夫故以言乎見者莫窺以言乎作者莫覩爭者見之不得奪讓者見之不得與高之者不知其然抑下之者不知其以舉

過不及者進退賢不肖者跂俯猗歟知後之世侯一方
子百里者可祭而不可瀆刑四海化地民者可則而不
可侮爲師之善盡垂百王主善之慶永貽萬古老氏所
云善建者不扶善抱者不脫子孫祭祀不輟斯言至矣
斯言至矣杜牧亦嘗有言自古稱夫子之德莫如孟子
稱天子之尊莫如韓吏部昂也愚敢體神而明之稱
夫子道乘變而文之爲講學堂記當耶當耶壯哉
斯堂也棟宇崇崇戶牖空空師席斯正學人斯同淵乎
元旨淡乎素風云誰有極極我无窮
皇宋景祐四年七月八日重立

吳興沈陞刻字

按曲阜縣志載此碑云額篆甚奇孔彥輔所書也
其文雜用老氏之言無足錄此碑末題景祐四年
重立則當有舊碑不知立於何時額篆全仿鍾鼎
籀文彥輔爲孔子四十五代孫字德甫年十八爲
仙源縣主簿秩滿除將作監主簿後知仙源縣官
至國子監博士据景祐二年孔道輔祖廟祭文後
列將仕郎守將作監主簿彥輔正卽書此額之時
也文爲成昂撰結體艱深將以文其淺陋不獨雜
用老氏之言而已山左金石志謂其文淺陋不足

錄者似未確也書者道士孫正已書譜無其名

零陵縣萃嚴題名八段

石橫廣一尺六寸五分高一尺五寸三分四行每行字數不等正書左行

關一行
勅不辨

國子博士監市丞孫蒼舒

江陵節推知零陵縣王務本 皇宋景祐四年

又 橫廣三尺七寸三分高一尺九寸五分十行每行字數八九十字不等行書左行

聖宋康定二年歲直辛巳中秋前一日知郡中都外郎

盛口仲口口口廣西提憲中都外郎田瑜資忠 提舉

賣鹽田曹外郎張譚巨卿左殿直監兵宋憲公度推官

試校書郎楊構起宗于此既遂命磨崖識其歲月耳

又 橫廣二尺五分高一尺八寸五行行五字正書

洪直景純王之才希聖丘程公遠林喬育卿李忠輔道

舉丙戌十一月七日題

又 高廣均一尺四寸五行行六字正書左行

知永州柳拱辰通判永州尹瞻郴州郴令郭震至和二

季十一月二十日遊此

又 橫廣一尺九寸高一尺八寸七行行八九字不等正書左行

本州軍事判官吳大元前道州軍事推官鄭口本州錄

事參軍張仲回本州司法參軍宋翔東安縣尉范口口

口口負外參軍嘉祐四年八月日題

又此刻在康定二年盛口題
名右隅四行正書左行

張綬狄咸同遊花嚴元祐三年十月廿七日 開山住

持口口進士周黃刊

又高二尺一寸五分廣一尺四寸九分四行行六字行書

新安曹季明紹聖三年三月初九日來遊男友夫及

度侍

又高四尺三寸廣一尺五寸七分篆書

鑿之巖品

紹興甲子浮谿翁書

按華嚴巖題名八段一為景祐四年次為康定二
年是歲十一月改元慶歷中秋時尚為康定也次
為丙戌十一月當是慶歷六年次為至和二年次
為嘉祐四年次為元祐三年次為紹聖三年次為
紹興甲子浮谿翁書華嚴巖三大字旁一行八小
字並篆書甲子為紹興十四年浮谿翁疑是汪藻
所自號其所著詩文名浮谿集也傳載藻紹興八
年上所修日歷升顯謨閣學士知徽州逾年徙宣
州言者論其嘗為蔡京王黼之客奪職居永州累
赦不宥此所書三字是其時也

浯溪詩詞刻四段

口元顏二公中興頌碑

石橫廣三尺六寸高一尺八寸四分十七行行十一字十字九字不等正書

提點口口公事尙書刑部中陳統

進士鄭紘書

中興碑頌口崢嶸正口年來蠹不生湘水無窮流善價

口山長在聳高名文傳幼婦詞源贍翰口崩雲筆力精

按部熾舟因訪古拂塵珍賞眼偏明

經浯溪元次山舊隱

次山曾此隱溪壑水清漪廢宅羣山合高名千古垂脩

篔簹森釣渚樂石聳豐碑唯有喬林色蒼蒼似昔時

景祐五季十月二十四日

內殿崇班口口祗候同提刑柴貽正同賞

進士周賁刻

讀唐中興頌

石高二尺六寸廣二尺三寸十一行行十一字或十二字正書

南運判尙書都官外郎口抗

周雅久不復楚騷方獨鳴淫哇弄氣態口我瀟湘清二

公好奇古大節口時口口崖勒唐頌字字瓊口英口雲

借體勢水石生光精浯溪僻口地自爾聞正聲口傳口

金石錄卷一百三十三
三
口夏孰賢燕然銘絃歌入商魯永與人神聽江流或可
竭此文如日星

熙寧己酉秋七月零陵令權祁陽縣事夏杲上石

寄題中興頌下

石橫廣四尺三寸五分高三尺
三寸五分十一行行七字正書

鼎沸渙陽塞馬鳴中興宏業奉天成且爲萬世邦家計
寧問他時父子情李郭功名無可憾元顏文字有何評
若能銘刻燕然石方許雌黃此頌聲

紹定癸巳元日郡守中吳衛樵書

浯溪留題衆矣其間或美或刺歷數百年未有口口

其口者是是非非迄無定說

郡侯衛公以合鼎之偉器守零陵之偏口口口口

口口口口口口語口而口口詞婉而

口口口口口口

林草題滿江紅詞

石高三尺八寸廣二尺五寸五分十
行行十一字至十三字不等行書

十載扁舟幾來往三吾溪上天寶事一回看着一回惆

悵筆畫模糊猶雅健文章褒貶添悲壯枉教人字字費

沉吟評輕重西北望情無量東南氣真長王想忠臣應

讀宋中興頌主聖自然皆樂土時平正好

儲良將笑此身老大尙奔馳知何用

右滿江紅西臯林革淳祐己酉良月庚子自淦入桂

艤舟溪澣有感而作汲度香橋下流泉

按浯溪詩詞四段一為景祐五年陳統詩二首一

為熙寧己酉抗詩一首泐其姓己酉是熙寧二

年一為紹定癸巳衛樵詩一首并跋癸巳是紹定

六年一為淳祐己酉良月林革詞一闕己酉是淳

祐九年良月十月也四人史俱無傳林革題後云

自淦入桂艤舟溪澣淦與瀨同蓋自江南西路之

贛州赴荆湖南路之桂陽道經浯溪也是時元已

滅金稱兵南犯朝廷方以泗州圍解兩淮息兵論

功推賞僥倖偷安故林革詞有西北望情無量東

南氣真長王想忠臣應讀宋中興頌云云蓋深望

湖湘一路之長歌樂土也

衛廷諤墓誌

石橫廣二尺九寸八分高二尺五寸二十二行行三十一字正書

宋故左千牛衛將軍衛府君墓誌銘

君諱廷諤字德言下材武為將關下錢塘人下率女趙


氏關下君關下君關下府關下承旨關下奉職以

捕賊功下鈔山稅饒關下廣韶下外關下吏今叅知政事

□公著□闕君以族大自□得□□闕除左千牛衛將
 軍□□闕年七十八君□□□□餘年所至以廉稱不
 □□□過闕下士大夫所□□□□盡未嘗問有無□
 異□闕父以忠孝為□□□□□□稱者闕下在韶
 州日□民□□□□鬼神以脅其眾君捕之闕上君
 □功君謂曰□□□□而為盜不過取□以自利耳
闕下以自為功闕下悉薄其罪不誅故禮賓□□□□
 □□道刑獄見其闕下之人能愛人遠利誠仁人也君始
 □王□□□闕下男五人異淵鼎觀賁異用廕今為□
 □殿□鼎未仕而亡□觀□□□□□□□□而文二女

早天諸孫十餘人君臨終□諸孫曰吾闕下以吾歸錢塘
 異等奉遺命以寶元二年八月十三日□君闕下銘曰
 衛氏□世以武顯于諸侯□□□文□□□□□□以□
 □□□□□□□□人□老哉

按此誌磨泐過甚全篇約六百餘字今存者不及
 三百字銘詞稱衛氏先世以武顯于諸侯今誌文
 叙先世皆不可辨但存錢塘人三字而歷考諸史
 衛氏之著籍錢塘者竟無一人衛廷諤既不見於
 宋史復不見於浙江通志杭州府志人物傳不能
 詳其事蹟今節取誌文之存者云廷諤字德言錢



金石錄卷一百三十二
塘人除左千牛衛將軍年七十八歷官所至以廉
稱未嘗問有無在韶州日民有託鬼神以脅其衆
君捕之上君之功君謂曰貧民脅而爲盜不過取
錢以自利耳不可以自爲功悉薄其罪不誅蓋能
愛人遠利誠仁人也男五人吳淑鼎觀賁異用蔭
爲某官鼎未仕而亡觀下二女早夭諸孫十餘人
君臨終謂諸孫曰以吾歸錢塘異等奉遺命以寶
元二年八月十三日下文之可讀者如此惜其湮
沒已久尙賴此誌以傳而誌係近年出土流播未
廣因詳錄之以裨武林文獻之徵云

栖霞寺碑

表本高廣行字
皆不計行書

金陵攝山栖霞寺碑文并銘

陳侍中尙書令宣惠將軍叅掌選事菩薩戒弟子濟
陽江揔持撰

陳翊前會稽王行叅軍京地車霈書

聖宋賜紫沙門懷則重書

賜紫沙門有朋篆額

蓋聞天有神宮地云靈府葉欽博記始叙四衢之塔金
荆著經因知千步之寺至如峯形甌累岫勢堂密亦烏

金石錄卷一百三十三
三
足言哉南徐州瑯琊郡江乘縣果有攝山者其狀似繖亦名繖山尹先生記曰山多草藥可以攝養故以攝爲名焉南瞻舊落顧悌鎮戍之塢北望荒村扈譙卜筮之宅此山西南隅有外道館地俄而疫痢磨滅三清遺法未明五怖之灾万善開宗遂變四禪之境倏見齊居士原明僧紹空解淵深至理高妙遺榮軒冕遁跡巖穴宋秦始中嘗遊此山仍有終焉之志村民野老竟來諫曰山多狼虎毒虵所以久絕行踐僧紹曰毒中之毒無過三毒忠信可蹈水火猛烈亦何能爲乃刊木駕峯薙草開逕披拂綦梗結搆茆茨甘許年不事人世渡河息

暴擾篋無立皆曰誠至所感有法度禪師家卒黃龍來遊白社梵行殫苦法性純備與僧紹冥契甚善嘗於山舍講無量壽經中夜忽見金光照室光中如有臺館形像豈止一念之間人王照其香蓋八未曾有淵石朗其夜室居士遂捨本宅欲成此寺卽齊永明七年正月三日度上人之所構也山情率易野製疎朴崖擔峻絕澗戶幽深卉木滋榮四時助其彫綺煙霞舒卷五色成其綵絢居士嘗夢此巖有如來光彩又因閑居依倚日見昔寶海梵志睡觀花臺智猛比正行逢影窟故知神應非遠靈相斯在居士有懷創造俄而物故其第二子仲

全石志續卷一百三十二
璋爲臨沂令克荷先業在巖龕像首於西峯石壁与度
禪師鑿造無量壽佛坐身三丈一尺五寸通座四丈并
一菩薩倚高三丈三寸若乃圖寫瓌竒刻削宏壯蓮花
瑩目石鏡沉暉藕絲繁髮雲崖失彩頂日流影東方韜
其大明面月馳光西照匿其成鬼大同二年龕頂放光
以色身相晃若炎山林間樹下施如火殿禪師自識終
期欣瞻瑞應以建武四年於此寺順寐豈非六和精進
十念允諧向沐寶池方登金地者也齊文惠太子豫章
文獻王竟陵文宣始安王等慧心開發信力明悟各捨
泉貝共成福業宋太宰江夏王霍姬蕃閩內德齊雍州

刺史田旻方牧貴臣深曉亡見妙識來果並於此巖阿
廣抽財施琢磨巨石影擬法身梁太尉臨川靖慧王道
契真如心鑿檀密見此山製置踈闊功用稀少以天監
十年八月爰撤帑藏復加瑩飾續以丹青鏤之銑鑿五
分照發千輪啓煥排天堂廡玉露分色接岫軒輝翠微
抽影以定之侶步纖草而揚梵三慧之僧挹飛泉而動
色喜園凝靜豈傲吏之凡遊深谷虛囂非愚公之俗路
是以王公搢紳之輩郎吏胥史之屬步林壑陟阜壤升
精舍拜道場莫不洗滌無明澣濯翳暗非直心之砥路
孰能如斯者乎慧振法師志業該練心力精確度上人

將就遷神深相付囑法師聿修厥緒勸助衆功基業田園多所創置先有名德僧朗法師者去鄉遼水問道京華清規挺出碩學精詣早成波若之性夙植尸羅之本關方等之指歸靈中道之宗致北山之北南山之南不遊皇都將涉三紀梁武皇帝能行四等善悟三空以法師累降徵書確乎不拔天監十一年帝乃遣中寺釋僧懷靈根寺釋慧令等十僧詣山諮受三論大義賈誼曰學聖道如日之明孫卿云登高山知天之峻今之探賢其此之謂南蘭陵蕭眇幽栖抗志獨法絕羣遁世茲山多歷年所臨終遺言葬法師墓側還符田豫託西門之家更似梁鴻偶要離之塵又按神錄云楚靳神在今臨沂縣齊永明初神詣法度道人受戒自通曰靳尙卽楚大夫之靈也大同元年二月五日神又見形著菩薩巾披袈裟閑雅甚都來入禪堂請寺衆說法崑嶺之中百神所在首陽之路八駟並驅未有修淨戒之品詣得道之僧整忍辱之衣入安禪之室是知名山大澤靈異憑依者矣慧布法師翁落煩惱早出塵勞律儀明白貞節峻遠貫綜三乘不自媒衒措模七衆無所詆訶曩曰靜憩鍾巖余便覲止食仁飲德十有餘年頃於攝阜受持珠戒佩服之敬雖敢怠於斯須汲引之勞且曷伸於

金石錄卷一百三十三
報効夫言意難盡鉛槧易凋固比河山莫如金石凡諸
徵應并預隨喜並勒于碑左乃爲頌曰
湯心火冥三世流論生若寄喻死如休三明未了十
智難周盡纏癡愛豈離瘡疣敬仰雞足恭聞鷲頭斯風
可羨其路何由我開梵宇面壑臨工我圖靈跡果植曰
修兼金畫繪泐石彫鏤連雲出沒泄雨沉浮經行松磴
禪坐蕙樓澗風長瀉崖溜懸抽花臺似雪夏室疑秋名
僧宴息勝侶薰修三乘謂筏六度爲舟金幢合蓋寶駕
驅轉地祇來格天衆追遊五時無爽七處相伴辭題翠
碧字勒銀鈎賢乎藥餌過客宜留

此碑經唐會昌毀廢後已曾重立至今其石斷缺文
字訛隱前充寺主僧契先自捨囊貲購石依本寫之
康定元年口月十七日鐫立本寺維那僧肅澄上座
僧智達寺主僧元聳謹記
袁文雅刻字

右重刻栖霞寺碑本江總持文章需書唐會昌中碑
毀今所存者宋康定元年沙門懷則重書也按摠持
自序稱年二十餘入鍾山就靈曜寺則禪師受菩薩
戒暮齒官陳與攝山布上人遊欵深悟苦空更復練
戒故題銜有菩薩戒弟子之稱需官翊前會稽王行
參軍世未解翊前爲何語予攷陳書後主之第八子

莊封會稽王禎明二年除翊前將軍揚州刺史則需
卽莊之屬吏當時皇子封王者必除都督刺史加將
軍號乃得開府置官屬故加翊前於會稽王之上也
梁時置翊左翊右翊前翊後四將軍在第二十班今
人知其名者尠矣

潘研堂金石文跋尾

按此碑泐者祇八字檢攝山志載此文取以校補
又校其不同者俄而疫痢磨滅志作疫癘水火猛
烈志作猛獸面月馳光志作面目以色身相志作
光色身相八定之侶志作入定名德僧朗法師志
作明德僧早成波若之性志作般若釋慧令等十

僧志作釋曾慧等十僧蕭眇志作蕭矚余便觀止
志作觀止似皆志有臆改也痢本疾疫字通作癘
可以不必改癘也面月對上文頂日若作面目則
誤矣八定之侶對下文三慧之僧檢韻府正引江
總此碑作八定則入定非也名德本高僧之稱南
史何點傳招攜勝侶及名德桑門清言賦詠是不
當作明德也波若亦見南史何求傳隱居波若寺
不必作般若也眇卽矚字之省音彌通作矚亦可
不必改也蓋志爲近時人所修或誤釋碑文疑有
錯誤而改之耳書人姓氏潘研堂跋云韋霈詳玩

金石萃編卷一百三十三
碑文頗似車需据攝山志作李需則大不類矣

金石萃編卷一百三十三

賜進士出身 誥授光祿大夫刑部右侍郎加七級王昶撰

宋十一

興慶池禊宴詩

碑連額高九尺三寸二分廣三尺八寸分六截書每截二十八行行十一字正書隸額在西安府學

上巳日興慶池禊宴詩 并序

夫鳴鐘列鼎以悅當世者王侯之事也緣情屬思以永欣遇者大夫之職也而況位崇巖廟伊稷之全謨地控嶠函漢唐之遺業藩鎮雄於右輔冠蓋盛於佗州揆藻摘華此焉攸萃良辰美景茲豈難并時維莫春日乃元

全不考續卷一百三十三
已被于南國想像蘭亭之遊出其東門依稀曲水之會
興慶池者開元之故邸也躍鱗巨沼蹴象回淵壯麗盡
於本朝梗槩盈乎一水前顧華萼夾右青門光靈僅存
今昔相視
大尹資政稽遵時憲敦講民熙駕言
出遊仍故不改由是都人士女袷服而嘯儔駟牡鸞旂
供帳而臨禊賓壘有醴燕坐無譁
運副直昭文
劉公濬發詞源廓清吟域首裁雩詠詫大物華有逸民
可聽之談無摯虞不經之說以謂墳簞蒨奏宜聲應而
響隨蘭桂揚芳固道同而氣合則有
資政大學
士左轄高平公
二十天章待
制都運清河公以佐

王重器由聖鴻儒駕風義之相高用名教而爲
樂繼探強韻鏗振雅音自餘賓僚咸有篇唱無慮十九
首莫不天機銜巧月脅矜新榆揚
大國之風謂
詠
我公之美爛爛若琮璜之間珪璧洋洋如英
莖之合韶護靡叙懿鑠孰光勝踐子定濫游
幙府竊
比蓬麻絕希授簡之知姑多拜
命之辱躬承指
顧深愧題辭時慶龔壬午歲太常博士通判軍府事張
子定謹序

資政殿大學士尙書左丞知永興軍府事范雍
興慶春深樂禊辰清歡雅唱奉良賓韶光綺麗新經雨

詩句風流妙入神冠蓋紛紛紅杏徑歌鐘隱隱淶池濱

閨臺將漕皆

時傑共泰常安万井人

和轉運

學士

陝西都轉運使尚書刑部員外郎充天章閣待制

張奎

公餘連騎賞芳妍柳重花明祓禊天絲竹繞堤浮舴艋
綺羅照水戲鞦韆回頭景物才三月屈指光陰又一年

台旆行春暫

均逸鳳凰池暖正

思賢

陝西轉運副使尚書刑部員外郎直昭文館劉渙

清明佳節屬良辰行樂東郊宴席賓風柳不勝春氣力

露花無奈曉精神管絲遠近青堤上樓閣高低淶水濱

多少艤舟何所用

府公便是濟川人

太常博士通判軍府事張子定

月標元已樂嘉辰興慶煙波漲曉津宴集幸聯

台

袞坐風流仍繼禊堂春蘭亭事古成遺迹華萼樓空委

路塵歌吹滿舡花夾岸酒帘無處不留人

秘書丞通判軍府事張揆

霽景東郊道風光北斗城

中樞詹

舊德土已燕

羣英鏤管詩情逸彫觴禊事成樓臺動波色鼓吹逐春

聲繡萼林花密芳茵岸草平願

公均愷樂函夏福黎

氓

秘書丞通判隴州軍州事王揚庭

宗臣上巳宴東池雅俗嘉賓盛集時禊席臨川花照耀
游車分路水逶迤賞心唯欲居民樂縱飲猶虞坐客疲
獨願我公歸柄用盡令天下洽春熙

殿中丞知司錄叅軍事李諷

東風池館絕纖埃元已佳辰樂衆來桃李陰成微雨後
管弦聲動畫舡開

主公望重經

邗業上客

詞高濟世才四海傳聞應有恨一方千里獨春臺

太子左贊善大夫簽署節度判官廳公事尹仲舒

長安本佳麗况復當盛春擷勝在城曲起亭臨水濱隔
花皆戲艇滿目盡遊人草膩疑梁圃楊垂認灞津自緣
農有望豈馱景長新佑宴誠欣遇非才與幙賓

著作佐郎知汝州梁縣事閻詢

李唐前事此遺宮春滿遺宮綠映紅緩帶有功閑白日
飛觴無筭惜東風香輪度陌煙容外畫舸凌波柳影中
被禊賞心從此會主人歸去漢三公

大理寺丞知萬年縣事趙濟

撫封占清境禊宴協良辰物態隨春秀歌聲洽政淳擷
芳筍陌綺泛棹擊波鱗天幸陪開府非才愧席賓

大理寺丞知涇陽縣事宋宏

名臣臨俊域和氣口芳春禊飲傳佳節時賢冠上

賓淥波浮畫舸芳草染朱輪行樂由仁政歡聲沸水濱

右五言

上已佳辰綺宴陳大賢重鎮雍城春欲知遠近追

遊者盡是關中受賜人右七言

校書郎新差簽署秦州觀察判官廳公事雷簡夫

上已風流屬令辰禊堂開宴集佳賓濟時原野經新雨

行樂池塘得舊春千騎旌旗臨淥水万家車馬起香塵

自慙道病無堪者敢預平津未坐人

觀察判官楊初平

照坐壺冰寒凜凜北斗揮漿均祓飲興慶池頭春色濃

亂柳搖金花罩錦雕章麗藻俱時才落筆頌歌兩兩台

府公莫惜玉山醉明日天綸鳳詔來

權節度掌書記史瑜

池館春光欲禁煙芳辰修禊集羣賢茂林深處森

冠劔清籟鳴時當管弦召伯甘棠分陝地羊公風景峴

山前詩成莫訝天機俊潛握人間造化權

節度推官董士廉

歲和事簡正韶春興慶池邊樂衆賓尋勝此時追曲水

賞芳良會屬 平津映花語笑鞦韆女隔岸絲簧被
禊人深愧薄才叨下幙酒酣應許吐車茵

山泰寧軍節度推官知隴州吳山縣事文彥若

正已當嘉節 當台庭讌鉅賢使臺談玉瑩賓幙玳簪
鮮綦組威儀異樽罍禮讓宜歡聲喧渭曲瑞氣浹秦川
客奉熒煌坐人歸雜沓筵鰕生叨禮召心久託 陶

甄

德州軍事推官趙寅

斗城初霽媚春暉託

乘尋芳鶴蓋飛修禊波深

輕急漿舞雩風暖薄更衣香車寶馬嬉游盛別館離宮

往事非因憶鳳池新溜躍

黑轡看逐

節函

歸

續寄一章

秘書丞通判乾州軍州事王冲

駘盪青郊被禊辰東池冠蓋集嘉賓逍遙共入華胥國
綽約誰逢洛浦神障展露花長樂際袍欹煙草曲江濱
遙知台旆行春暇起作 元鈞輔弼人

左側

側厚一尺二行
行十八字行書

鬪昌甲寅歲暮春被禊日公餘獨來泛舟興慶池觀
覽勝絕京兆同尹燕臺劉仲游景文書

右側

共六行行十
一字行書

携酒送春偶賦小詩一絕

春光將欲朝夕盡携酒東郊邀數賓
淺酌花前沉酪

酹誰人學我送殘春

明昌五年三月中休日燕山劉頴子翼書

四六序典雅清麗詩並卓卓可傳子定高平幕下士

也可想見一時之盛

關中金
石記

按興慶池在興慶宮唐書地理志宮在皇城東南

距京城之東開元初置至十四年又增廣之唐會

要云上在藩邸與宋王成器等同居興慶里人號

曰五王宅至是為宮焉玉海云開元元年以隆慶

舊邸為隆慶宮在隆慶坊元宗名隆基改興慶宮

長安志云開元二十年築夾城入芙蓉園自大明

宮夾東羅城經通化門以達此宮先是武后時民

井溢浸成大池數十頃號隆慶池丞相王子列第

其北望氣者言嘗鬱鬱有帝王氣中宗神龍二年

幸池上宴侍臣以厭之又據唐六典元宗隆慶坊

舊宅有井忽湧為小池周袤十數丈常有雲龍或

黃龍出其中景雲間浸廣里中人悉移居遂為龍

池又據雍勝略景龍池本為隆慶池以諱元宗名

改興慶池立宮後謂之龍池此興慶池之原委也
此碑撰序者張子定史無傳序爲慶歷壬午歲作
壬午爲慶歷二年後載范雍張奎劉渙張子定張
揆王揚庭李諷尹仲舒閻詢趙濟宋宏雷簡夫楊
初平史瑜董士廉文彥若趙寅王冲十八人之詩
范雍詩和轉運學士即張奎而不同韻劉渙王冲皆
同范雍韻張子定雷簡夫前後與范同而中二聯
別用韻餘皆各自爲韻體皆七律獨趙濟用五律
宋宏二首一五律一七絕爲異諸人之見于史者
范雍字伯純河南人累官資政殿學士知永興軍

兼轉運司事遷尙書左丞加大學士碑惟不系轉
運司事餘悉同宋詩紀事引儒林公議載其紀西
夏事三首而不錄此詩張奎附弟亢傳亢家于臨
濮奎字仲舒先亢中進士累官侍御史爲河東轉
運使進刑部員外郎及分陝西爲四路擢天章閣
待制環慶路經略安撫招討使知慶州父名餘慶
辭不許歷陝西都轉運使知永興軍劉渙附父文
質傳文質保州保塞人渙字仲章以父任爲將作
監主簿累知遼州獻喃氏誓書與西州地圖加直
昭文館遷陝西轉運使出工部郎中知滄州碑於

轉運下有副字又刑部員外郎爲傳所略張揆字
文裕齊州歷城人舉進士知益都縣明道中知萊
州掖縣通判永興軍爲集賢校理不言其爲秘書
丞與碑不同宋詩紀事引西清詩話載其賀執政
入東西府詩二句而不載此詩閻詢字議道鳳翔
天興人其歷官傳不載其知汝州梁縣宋詩紀事
引至元嘉禾志載其題招提院靜照堂一詩而不
載此詩其詩載入嘉禾志必是嘗官嘉興而傳亦
無攷雷簡夫附其父德驤傳同州郃縣人字太簡
隱居不仕康定中樞密使杜衍薦之召見以秘書
省校書郎簽書秦州觀察判官公事董士廉附見
田京傳稱京少時與常山董士廉汾陰郭京相友
善俱以侷儻聞而不詳其官位事蹟王冲附父王
旦傳曰大名莘人三子雍國子博士冲左贊善大
夫素別有傳而不詳冲之官秘書丞通判乾州軍
州事宋詩紀事引雲門志略載其次韻范公仲淹
遊雲門一首而不載此詩餘則史與紀事皆無攷
碑左側有金人劉仲游題名右側有劉伉一絕句
皆明昌五年

倭城縣文宣王廟記

碑連額高六尺六寸廣三尺八寸四分二十一行行三十六字正書額題新修至聖文宣王廟記九字篆書在褒城縣學

大宋興元府褒城縣新修至聖文宣王廟記

給事郎守祕書丞知縣事騎都尉竇充撰并書

鄉貢進士張公口篆額

服儒之服讀儒之書不知儒之道是猶終日戴天不知天之高終日履地不知地之厚亦何異掘堊索塗冥行已矣我夫子之道文而明一以貫布在方策炳

若日星祖述憲章顯仁藏用聖人之備者也若夫窮神知化自誠而明中庸可皦皇猷可復其聖也天縱其性

也生知制作素王之道立三綱五常摠人倫之大紀以匡君臣以親父子以和夫婦以睦兄弟俾民日遷善而不知斯則顯仁藏用之道盡矣子思謂如天地之無不持載無不覆燾然猶道之用有所隱晦文中子謂天地生我不能鞠我父母鞠我不能成我成我者夫子也道不啻天地父母通於夫子受罔極之恩其與太極合德神道並行誠哉言之至口道之蘊矣乃知太極權輿一氣并包二儀明_闕下子之道包虛天地其道之管出虛一而已國家功格穹壤頌溢金石書軌混一

聲教無外庠序大闡禮樂大備使賢不家食野無遺

逸有以見人文化成天下燁 淳耀之盛烈也褒

城縣隸封漢中跨據秦隴控斜谷之巖阻厥田沃衍其

俗富庶樂三壤之美利在學校之構弦誦之業府爾罕

聞儻祠宇尚隳人曷口教先是舊廟僻處山塢荒庭寥

落鞠成榛莽芟撩傾侈風雨弗庇春秋釋奠何陋如之

充居治是邑莅局之初乃狀其迹建白公府時

尚書水部口郎李公 雅鎮藩翰惇意儒宗悅聞矢謀

亟從改作繇是周爰近署擇堰之右得官地一廛芟穢

度址鳩材僑工靡踰月而棟宇鼎新不越時而塑像儼

列堂奧沉邃閑闕有嚴可以落成式觀大壯前以子思

之言但取喻天地未顯道之為用而文中子明成我之

恩與太極昭合淵虛探道之蹟邈焉臻道之極吾是口

口庶幾聖人之道者其中說之謂夫誌諸温珉辭達口

口時慶曆二年口月四日謹記

將仕郎守縣尉兼主簿事宋立德立石

古吉刊字

按褒城縣屬陝西漢中府宋時興元府治此陝西

通志云縣有褒水在城東一里即黑龍江自鳳縣

界流入又南流入漢褒城縣學宋慶歷間倚於江

岸竇充宰褒建有自記即此碑也而不詳竇充未

金石考卷一百二十三
建以前之所在據此碑云先是舊廟僻處山塢充
居治是邑亟從改作擇堰之右得官地一廛云云
是舊廟近山失其址矣擇堰之右者當卽褒水之
堰漢中府志云堰界石在褒城縣東三里黑龍江
中上一石有乾道元年史可觀記下一石鑄制置
大使司提修造張儀自嘉定三年至七年督責軍
人董工治堰自爲記觀此碑可知褒水之有堰已
見於慶歷以前其時未有黑龍江之名故碑中不
及也寶充無攷碑云誌諸溫珉當卽貞珉避仁宗
諱改也

普通塔記

石高廣俱二尺七寸二
十一行行二十字正書

弟子沙門可度書

塔非中國之有也制起于西域自東漢世笏行書來爲
教以示人曰旣侵熾塔則或大或小郡縣幾普矣謂藏
佛骨舍利之所也外則其口能燂楊經律論暨施用厚
者死則其徒或起以貯骨焉重真寺天王院沙門智響
姓李氏京兆武功人自幼依師爲浮屠嗣長則能恭養
父母久以孝聞父母死又能以送終之禮封樹之此其
浮屠嗣之難者也復常悲其寓泊僧骨奔露零散乃於

金石錄卷一百三十三
寺之南城外不盡一里募施掘地爲壙際水起塔出地
又丈餘塼用萬餘口旣成近左收摺得亡僧骨僅四十
數於慶曆二年二月二十一日夜建道場請傳戒師爲
亡僧懺罪受戒塔頂開一穴以備後之送骨嗚呼古稱
葬者藏也欲人之不得見也今智禦師能盡力於親而
又悲其類任普通塔使遊方之徒來者未來者死悉有
所歸其用可嘉也五年乙酉春二月一日前寧州從事
盧覬過其院智禦悉以事白余素熟其行回應請而記
太廟齋郎劉質
文林郎守扶風縣尉任化成立石

三班借職前監鳳翔府岐陽鎮商稅兼巡防劉昌珪
右班殿直監鳳翔府岐陽鎮商稅兼巡防李用衡
助緣張守斌 馬中象 姚文信 魏平 齊安和
魏德輔 元宗說 趙英 郭士新 潘守用 潘
永 李定基 楊守貴 王全勝 程垠 巨立
安宥 楊文玉等施石
師弟智廣 智仙 師姪智全
地藏院主僧義光 吉祥院主僧瓊玉
左會院主表白沙門澄演 張遵刻
按普通塔爲釋氏瘞骨之所今今叢林普同塔之

所昉也重真寺據碑當在扶風縣城內檢陝西通志已無攷矣劉昌李用衡皆監鳳翔府岐陽鎮商稅兼巡防官岐陽縣名即岐山縣唐武德七年所更名至德中復為岐山而岐陽之名遂用之於鎮今亦未能詳攷似在岐山扶風之間也

澹山巖題名六十段

潘衢等題名 石高二尺三寸廣一尺六寸五分六行行十一字正書

中都外郎知郡事潘衢子莊 殿中丞通理郡事陳規

正卿 太常博士監市等李寔公實 軍事判官洪亶

景純 軍事推官李洙希真 慶曆七年十一月五日

又 橫廣五尺一寸六分高三尺六寸五分十二行行十字正書

至和二季乙未六月十九日尚書職方員外郎知永州

軍州事柳拱辰以久旱躬禱于零陵王之祠因憩此巖

是日得雨時殿直齊懷德大理寺丞章詢判官李方推

官蘇台文錄事參軍張服司法參軍李光序零陵縣令

孫思道零陵縣主簿張拯信安進士趙揚武陵進士魏

堂從行男新黃州司法參軍平奉命題

又 橫廣二尺七寸八分高二尺九寸六行行六字左行正書

張子諒中樂陳起輔程麻延季僊夫魏景晦翁盧臧魯

卿夏鈞播之同遊嘉祐拾享後十一日

又橫廣三尺二寸八分高三尺八行行八字正書

知軍州事張子諒率通判張德淳同游幙中麻延年魏

景邑令夏鈞從大理丞陶弼校書郎章望之選吏李綱

盧臧實預焉嘉祐己亥四年五月二十六日己未臧題

又橫廣二尺四寸五分高二尺九寸八分六行行八字正書

皇宋嘉祐庚子歲六月己巳日提點刑獄度支郎中宋

任仲堪同提點刑獄供備庫副使靳元翊公弼按部回

游此

又高一尺六寸廣一尺五寸六行行六字正書左行

徐大方冲道率曹元卿舜臣麻延年仙夫萬孝寬公南

黃致適道盧臧魯卿游臧題嘉祐辛丑上元後三日

又高二尺九寸五分廣二尺四寸五分八行行九字正書

司刑丞權郡徐大方同上幙權倅麻延季點閱御書警

巡馬公弼零陵令夏鈞從奉宸前知懷遠曹元卿邵陽

幙萬孝寬前荔浦令黃致前湘潭簿盧臧預遊嘉祐辛

丑上元後三日臧題記

又高二尺二寸八分廣二尺四寸七分七行行七字正書

聖宋嘉祐辛丑歲六月三日轉運使尙書刑部員外郎

直集賢院陸詵介夫按部游此携家人與仙姑同至

又高二尺七寸廣二尺三寸五分六行行六字左行正書

馮璟唐輔會蕭固幹臣蕭注岳夫魏景晦翁何廓伯達

張子山景仁蕭澈子源辛丑秋社日遊

又高二尺五寸廣一尺四寸五分四行行七字正書

後二十有八日臨川徐嗇用之白潭如桂王臣因復載

酒與洪叔晒俱來

又高一尺四寸七分廣一尺五寸四行行六字正書

嘉祐八年三月初八日轉運判官尙書都官員外郎宋

迪遊

又橫廣二尺五寸高一尺八寸六分六行行四字左行正書

持正子西公亮巨卿毅甫隱甫同遊治平貳年九月十

四日隱甫題

又橫廣三尺五寸高二尺三寸五分七行行八字左行正書

新賀州桂嶺令梁庾子西洎弟零陵令宏巨卿進士寘

隱甫陪郡幙項隨持正新清湘尉蔣忱公亮進士周鎬

毅甫同遊治平乙巳九月十四日題

又高三尺四寸五分廣二尺七寸七行行十字正書

轉運使河東薛侏步按上六州一監渡瀟湘二水歷三

門崑九龍洞至永遊朝陽澹山巖悉非人力乃神物所

造之景通判樂咸縣令梁宏其行治平二年十一月三

日題石

又 橫廣四尺六寸高三尺
四寸八行行七字正書

尚書都官郎中知軍州事陳藻君章尚書虞部員外郎

通判軍州事周惇頤茂叔郡從事項隨持正零陵令梁

宏巨鄉同遊治平三年四月六日題

又 橫廣三尺高二尺七寸
六行行五字左行正書

前八日桂倅范子剛同永幙項隨令梁宏掾董乾粹遊

淡山治平丙午臆月吉誠叔題

又 高三尺一寸五分廣二尺一
寸五分五行行七字隸書

治平四年正月壬申轉運判官尚書毛田郎中會稽沈

紳公儀行春陵逾瀟水還經澹山寺

又 高二尺五寸廣二尺二
寸七行行八字正書

比部員外郎通判永州軍州事周惇頤治平四季二月

一日泂膝歸春陵鄉里展墓三月十三日廻至澹山

巖將家人輩游 姪立男壽燾姪孫蕃侍

又 高三尺三寸五分廣三尺一
寸三分八行行十字正書

尚書比部郎中知軍州事鞠拯道濟尚書比部員外郎

通判軍州事周惇頤茂叔軍事推官項隨前錄事參軍

劉璞零陵縣令梁宏司法參軍李茂宗縣尉周均治平

四季三月十四日同遊永州澹山巖

又 高三尺二寸廣三尺一寸
五分五行行五字正書

荆延季歐陽問趙良范成之張勉厚熙寧已酉二月十七日遊

又高二尺三分廣一尺八寸七行行九字正書

供備庫使前知全州軍州事楊永節公操前提舉廣西常平太常丞關杞蔚宗 河陽節度推官知零陵縣事楊巨卿信甫熙寧七年正月十九日同遊

又橫廣一尺九寸七分高一尺三寸三分十行行七字隸書

河陽節度推官知零陵縣事錢塘楊巨卿信甫率大理寺丞監泐稅泉南蘇顓潛道零陵縣尉葵丘盧綜貫通同遊淡山遍尋巖穴之勝子儼道輔有期不至熙寧七

季九月戊戌謹題 梓作 永洪

又橫廣一尺五寸八分高一尺八寸八分六行行五字左行正書

熙寧甲寅歲十月十一日承乏長沙局因祠零陵王迴至此華陰楊傑英甫記

又高二尺七寸廣二尺四寸九寸行行十一二三字左行正書

澹山巖零陵之絕境蓋非朝陽之比也次山往來湘中為最熟子厚居永十年為最久二人者之於山水未有聞而不觀觀而不記者而茲巖獨無傳焉何也豈當時隱而未發耶不然使二人者之顧肯夸其尋常而遺其卓犖者哉物之顯晦固有時何可知也蔣穎林題

又高四尺七寸廣一尺八寸

儀真秦日新得之嘉興潘景純和叔長沙李茂宗慶孺

熙寧九年十二月中休同遊

又高二尺七寸六分廣一尺八寸

至和乙未歲子為舉子過零陵陪太守柳侯拱辰禱雨

因至澹山巖於今廿三季始得再遊其間絕景勝致當

日賞愛之處髣髴如舊觀石間題名緬懷柳侯久為異

物使人惘然不能自已熙寧丁巳清明前二日荆湖南

路轉運判官尚書屯田員外郎會稽趙揚題永州軍事

判官衡陽黃鎮同口

又高四尺廣二尺七寸

凌江張申仲甫廬陵毛君卿正甫衡山侯天經元則汴

陽盧綜貫道衡陽黃廣成壽翁長沙馬初平祖衡元豐

己未季秋六日同遊

又高三尺六寸廣二尺六寸

朝請大夫郡守陳遘朝請大夫通判蔣僅宣義郎前監

鹽張仇軍事判官時宥縣尉劉日章元豐八年乙丑六

月十一日同遊

又高二尺七寸廣一尺三寸

蔣僅屢遊元豐乙丑題

金石錄卷一百三十三
又高三尺二寸廣二尺七寸七行五
行行七字行書後二行小字正書

林邵才中還自春陵遊澹山巖夜宿僧舍明日再遊遂

之衡陽元祐五年季夏二十二日題

憲使按部過此題石

左朝請大夫知永州軍州事周處厚命工刊之

又高二尺六寸廣二尺一寸五分六行行六字古篆文

元祐六年八月十八日王觀巨未許師嚴希衛口師口

口口口同遊是碧江口口錫題 四明鍾成亦至

又高二尺七寸廣二尺二寸八分行行十字十一字左行正書

元祐辛未歲九月日檢潦田楚人高公傑子發吳人許

師嚴希道自賢女廟下宿何氏仙姑家翌日涉江遊龍

宅覽仙姑得道處回宿僧舍明日遂入歸德福田等鄉

沙門文真勇敢同來 子發書

又橫廣三尺四寸高二尺七寸十行行八字正書

左朝奉大夫知州事劉蒙右通直郎通判州事阮之武

躬閱 御書同遊管界巡檢張準知零陵縣事婁瑄祁

陽縣令陳衍東安縣令徐處仁零陵縣尉陳寬夫與焉

紹聖改元仲秋十二日徐處仁題

又高二尺七寸廣一尺四寸五行行九字正書

紹聖元年甲戌九月七日臨川劉用之行可帥永豐盧

約潛禮富川吳克禮子仁同遊零陵澹山巖劉芑盧景

防侍行

又高一尺八寸五分廣一尺五分四行行九字正書

紹聖乙亥孟冬五日陪范公淳父劉曹守季明遊澹山

巖郡倅張茂先題

又高二尺七寸廣二尺六寸行行九字左行正書

新安曹長倫元友弟長明德昭韓國魏中孚誠老衡陽

黃元善長蜀郡范冲元長同遊紹聖丙子仲夏十三日

江南鄒洵荃惠常題

又橫廣二尺七寸高一尺八寸八分行行六字正書

武陽朱養源臨江鄒德常上饒周濟叔餘杭唐欽叟宣

城侍其希聲潯陽周亨甫紹聖四年三月十二日同游

又橫廣三尺三寸高二尺四寸五分五行行四字行書

錦溪唐節公禮唐恪欽叟紹聖四年閏月九日

又高一尺六寸五分廣一尺四寸五行行六字正書

高平范正思子默東沂畢冲子虛吳郡富為子宣愚溪

張縱純中元符元年十月十九日

又橫廣二尺七寸高二尺六分八行行六字正書左行

長沙孫欽臣仲恭東都賈材彥成春陵王邃將明弟棠

叔華元符二年己卯六月初七日戊寅同遊勝境遲留

累日泛舟東下自永還潭

又此刊在林邵之左二行行十二三字左行

睢陽蔡穀允元眉山陳續茂訓韓城范直方師厚高郵

秦湛處度元苻己卯十一月十五日游

又橫廣二尺高一尺七寸六行行七字左行正書

大名韓川北歸一游弟球子意姪康世康國康伯侍

行道士何守靜偶至此元苻庚辰歲六月二十二日題

又橫廣二尺四寸五分高二尺二寸五行行七八字正書

張適安時迪安道邁安會遠安行招陳莘子野蔣彥才

之美唐逸元道同遊壬午中春十八日

又此刊在張適之左六行行十字十一字行書

長沙慕容選公才周伯常達夫自陝西歸里中公幹零

陵特遊澹山口瞻禮金僊遍遊諸洞次日設僧粥浴

迤邐之城下崇寧甲申仲冬五日湘東朱炳明遠書

又高一尺九寸五分廣一尺二寸七分三行行五字正書

開封曹湜邵陽周奇同遊澹山巖崇寧四年六月八日

又高二尺一寸廣一尺五寸七行行九字行書

真定鞏鑒辨林躬閱御書至此歷覽古跡愛其巖穴

幽邃氣象爽然罕所口見也徘徊抵暮而歸時大觀二

年三月十有七日男庭實庭賓庭老侍行庭賓奉命題

又高一尺四寸五分廣一尺一寸三分五行行八字行書

胸水盖伺公厚因祀靈顯行次崑下就謁住持芳師

訪其古跡歷覽而歸時大觀戊子季春晦日題

又高廣俱三尺四寸十二行行十字篆書

青社董令升罷官廣西還過零陵來觀澹山同王紹祖

趙佃夫宋傳道飯巖下思長老以其師燈禪師所書衲

襖頌顯上人以懷素千文墨本相示千文真跡余家所

臧嘗刻石鄉里詢顯則同郡人也盖得之余家豈意兵

火流離之餘乃復見此顯亦可謂好事矣因語及鄉里

相對感嘆紹興乙卯歲春三月戊寅題

又高三尺五寸廣二尺三寸五分六行行八字正書

蓬澤程逖德遠拉歷溪高祈應之魏邱趙彦伋安行開

封王維子厚同遊男恪與同年子趙潛夫侍行紹興丙

子仲冬六日記

又高二尺七寸廣一尺七寸八分五行行七字正書左行

東平劉董子舒臨江蕭賓擇可睢陽王光祖仲顯以乾

道戊子六月上休日來游淡山巖

又高三尺四寸廣一尺八寸四分五行行十字正書

路分王俊邦傑教官洪彥華叔昞判官趙汝忱德恂推

官葉天休嘉承戶曹攝零陵縣趙不揉從朴慶元乙卯

季夏十有二日同至

又橫廣一尺八寸高一尺四寸四分六行行五字正書

嘉泰癸亥歲仲春上澣日東都趙仲義來游淡巖徜徉

終日男師曹師厲侍行

又高二尺六寸廣二尺八行行九字正書

開封李震亨仲汧陽段晉龍伯津鄧山王圭粹伯來游

領月臺之風漱石井之泉摩抄山谷老人永州淡岳天

下稀之詩徘徊觀音岳窮幽極勝醉心溢目而后歸時

嘉泰甲子季春中澣日

又高六尺廣一尺七寸四分行行十六字正書

三山高惟月以慶元戊午校秋試于零陵竣事嘗遊淡

巖觀山谷留題後廿九年竭來分符莫秋復遊觀景物

之依然歎歲月之逾邁歸興翩翩賦念奴嬌一闋

又高二尺七寸廣一尺五寸八分五行行八字正書

前守春陵永嘉許綸任滿東歸携累來遊妹婿鍾光大

甥侯希驥錡鎡澄侍行時紹定庚寅正月二日題

又高四尺九寸廣二尺二寸二寸六行行八字左行正書

嘉熙戊戌中宵十有七日襄陽卻塵王淦困道挈家徠

游萊人習隱盧汶聖艷侍行

又高三尺四寸廣二尺九寸六行行八字正書

景定壬戌春正月晦零陵令鍾有大以迂繡使俞計院
宿此巖寺二月望再侍判府丘秘丞劭農題石以紀
事云

又高二尺廣一尺五寸五書
五行行七字正書

臨淮張孝先郡人卿槐錦江陳時中謁靈祠就過澹巖

景定壬戌菊節後三日書石以紀行

又橫高三尺三寸廣一尺七
寸五行行五字六字篆書

景定五季冬十有一月乙酉永嘉劉錫自道之瑞來遊

子思侍濂溪友劉元禧因赴南宮偕行

又高四尺三寸廣二尺七
寸五行行十字正書

咸淳己巳仲秋望踰淡合沙趙與岫仁甫以郡博士攝
守倅出郊勸麥偕攝令廬陵劉伯文致平行竣事就訪
古跡寺僧請書以記

按湖南通志澹巖在永州零陵縣南二十五里亦
名澹山巖唐張顥記云盤伏兩江之間周迴二里
中有巖竇可容萬夫古有老人處其下以澹氏稱
因名方輿勝覽云中有澹山寺樓殿屋室隱躍罅
中雖風雨不能及四顧石壁削成旁有石竅古今
莫測其遠近此磨崖題名六十段當卽在石壁削
成之上然據永州山水記但載澹山巖宋黃山谷

始題識之今洞中一石載山谷詩與書而不言此
外之題記者甚多也山谷詩跋已附大唐中興頌
後六十段外恐尚有遺姑就此六十段攷之始于
慶歷七年迄咸淳五年已巳合二百二十年中姓
名可見者得二百七人泐者二人其中可攷者陳
規史傳稱字元則密州安邱人靖康末金人入侵
殺鎮海軍節度使劉延慶其徒祝進王在夫爲盜
犯隨郢復等州規爲安陸令以勤王兵赴汴至蔡
州道梗而還建炎元年累知德安府與劉錡領兵
同死守後移知廬州疾卒此題銜殿中丞通理郡
事傳無一語及之不知卽其人否也趙揚宋詩紀
事載抗揚抃二弟皇祐間抃爲江源令抗揚與俱
名勝志載引流聯句一詩有抃序云公暇事休與
弟抗揚坐東軒樂然盤桓其爲詩章云云是趙揚
爲抃之弟史抃傳抃字闔道衢州西安人此題趙
揚爲信安進士信安爲衢州江名正與抃同貫蓋
其時遊于知軍柳拱辰幕中也但抃傳不爲附載
無事蹟可攷陶弼史傳字商翁永州人由陽朔主
簿歷知邕州徙鼎州辰州忠州順州加東上閤門
使未拜而卒此題大理丞則傳所略傳又稱弼能

爲詩故其詩雜見方輿勝覽後村千家詩合璧事
類別集錦繡萬花谷粵西詩載後村詩話諸書中
其所著邕州集宋詩紀事采之章望之史傳稱字
表民建州浦城人由伯父得象蔭爲秘書省校書
郎監杭州茶庫累光祿寺丞致仕此題校書郎蓋
未監茶庫時也傳又稱其北游齊趙南汎湖湘西
至汧隴東極吳會山水勝處無所不歷有歌詩雜
文數百篇此題知軍張子諒同游蓋南汎湖湘時
也其爲詩則夏晝一篇見宋文鑑陸誥史傳稱字
介夫餘杭人進士起家簽書北京判官加集賢校
理通判秦州判太常禮院吏部南曹提點陝西刑
獄徙湖南北轉運使直集英院進集英殿修撰知
桂州至邕州集左右江四十五峒首詣麾下補置
將吏更鑄印軍聲益張召爲天章閣待制知諫院
道除知延州知成都熙寧三年卒此題轉運使尙
書刑部員外郎爲傳所略其云按部游此者卽至
邕州集左右江峒首之時也蕭注史傳稱字巖夫
臨江新喻人舉進士攝廣州番禺縣以破儂智高
功擢禮賓副使廣南駐泊都監知道州拜西上閤
門副使居邕數年坐貶秦州團練副使累起爲邠

金石錄卷一百三十三
州都監累知桂州此題無號年但云辛丑秋社日
稽其時爲嘉祐三年蓋知邕州時便道游此而留
題也周惇頤史道學傳字茂叔道州營道人東都
事略作春陵人按春陵見後漢光武紀春陵節侯
買注云春陵鄉名本屬零陵在今唐興縣北唐興
縣名武德四年所改天寶初改延唐縣後唐天福
中改延喜縣宋乾德初改寧遠縣是春陵本唐興
縣之鄉名偶見於光武紀其地本與營道爲鄰觀
周子自題云沿牒歸春陵鄉里展墓可知其家在
營道先墓在春陵傳著其貫而東都事略則用其
先墓所在之古鄉名也傳又云以任爲分寧主簿
調南安軍司理參軍移郴之桂陽徙知南昌歷合
州判官通判虔州熙寧初知郴州爲廣東轉運判
官以疾求知南康軍因家廬山蓮花峯下卒此題
凡三見前治平三年題尙書虞部員部郎通判軍
州事後治平四年二次題比部員外郎通判永州
軍州事皆傳所不載又侍遊者有男壽燾姪立姪
孫蕃而傳祇載男壽燾不及立蕃且但稱壽官至
寶文閣待制不詳事蹟書譜引魏鶴山集稱濂溪
先生帖遂寧傅氏藏則周子書名也書錄解題

金石錄卷一百二十三
載濂溪集七卷是有詩文著述也而傳皆不載惟
東都事略載其南安司理之後有通判永州一語
較史稍詳宋詩紀事載壽字李老一字元翁元豐
五年進士初任吉州司戶次秀州知錄終司封郎
中澉水志載其題金粟寺庵詩蓋官秀州時作也
又元翁詞翰之妙前輩多稱之語見朱子文集紀
事又載燾字次元元祐進士爲貴池令官至寶文
閣待制成都文類載其暑雪軒詩咸淳臨安志載
其遊天竺觀激水詩是嘗至浙至蜀矣凡此皆可
廣史所未備也楊傑史傳字次公無爲人舉進士

元豐中官太常者數任元祐中爲禮部員外郎出
知潤州除兩浙提點刑獄卒此題華陰楊傑英甫
與傳不合疑別一人蔣穎叔名之奇常州宜興人
史傳稱其以蔭得官擢進士第至太常博士又舉
賢良方正英宗擢監察御史神宗立轉殿中侍御
史坐貶監道州酒稅改監宣州酒稅新法行爲福
建轉運判官崇寧元年累除觀文殿學士知杭州
以疾告歸卒此題不著年月亦不著官位當是監
道州酒稅時所題其監道州也由畔歐公之故爲
清議所薄穎叔必有不得意者故題云物之顯晦

固有時何可知也其大指已見乎詞矣穎叔能詩
零陵縣志載其遊澹巖七古一首此詩見下卷又
載其遊朝陽巖七古一首王弇州又稱其工書有
蘇黃法則此題句百餘字亦足貴也陳邁史傳字
亨伯自江寧徙永州登進士第累知雍邱縣徽宗
將以爲御史而遭憂畢喪爲廣西轉運判官欽宗
立積官至光祿大夫徙知中山金人再至受圍爲
步將害此題元豐八年爲郡守傳全不載當別是
一人徐處仁史傳字擇之應天府穀熟縣人由進
士甲科爲永州東安縣令蠻人叛處仁入峒開示
恩信蠻感泣誓不復反此其官東安之政績也後
仕高宗初爲大名尹北道都總管卒此題在紹聖
改元正其令東安時也范冲史儒林傳字元長登
紹聖史誤作紹興進士累官翰林侍讀學士以龍圖閣
直學士奉祠卒史不著冲之里貫據此題知爲蜀
郡人而其時爲紹聖三年丙子蓋初舉進士也宋
詩紀事又稱冲爲祖禹長子紹聖元年進士建炎
中官翰林學士守衢州坐與趙鼎有連落職衢州
府志有贈了空長老詩爛柯山洞志有游爛柯山
青霞洞天詩皆其守衢日作也可補史之略唐恪

史傳稱字欽叟杭州錢塘人以蔭登第調郴尉歷
仕至靖康初累拜少宰兼中書侍郎以觀文殿大
學士中太一宮使兼侍讀二年金人逼立張邦昌
仰藥而死此題兩見皆在紹聖四年是其官郴尉
時而不自署其官但其貫則一曰餘杭一曰錦溪
錦溪是茗水分流入臨安者非其貫而餘杭則貫
也與傳之稱錢塘者異然傳有知潭州請往錢塘
掃墓然後之官遂改杭州之語或因其先墓在錢
塘故以爲錢塘人歟又唐節字公禮題在唐恪之
前似節爲恪之兄但事蹟無攷范正思仲淹之孫
純仁之次子史附見其兄正平傳云正平字子夷
父純仁卒詔特贈遺澤官其子孫正平推與幼弟
幼弟似卽謂正思也又云蔡京當國言正平矯撰
父遺表又謂李之儀所述純仁行狀妄載中使蔡
克明傳二聖虛佇之意遂以正平逮之儀克明同
詣御史府正平將行其弟正思曰議行狀時兄方
營窀穸之事參預筆削者正思也兄何爲哉正平
曰時相意屬我且我居長我不往兄弟俱將不免
不若身任之遂就獄云云此題高平范正思子默
與正平之字子夷同用子字信爲正平之弟惟傳

稱范仲淹其先邠州人後徙蘇州吳縣此題高平
吳縣無高平之稱或邠州舊名新平郡又可謂之
高平耶秦湛見詞綜稱其字處度觀子官宣教郎
載其謁金門詞一闕又見宋詩紀事嘗爲韓膺胄
作枝巢詩先得兩句云云見詩說雋永史文苑傳
秦觀高郵人元祐初累官國史院編修官紹聖初
坐削秩徙郴州此題在元符二年己卯是侍父貶
所時也韓川史傳稱字元伯陝人元祐初薦爲監
察御史累以龍圖閣待制守潁州徙虢州與孫升
同受責出坊州郢州貶屯田員外郎分司岷州團
練副使道州安置徽宗立復故官此題在元符三
年庚辰正其安置道州時但自署其貫爲大名傳
則爲陝人殆大名是祖貫耶趙彥侁趙汝忱趙不
揉趙師曹趙師厲趙與訥皆見宋史宗室世系表
太祖兄弟五人兄光濟早亡弟光義卽太宗次廷
美次光贊幼亡廷美封魏王有十子長高密郡王
德恭彥侁卽德恭之六世孫承節郎公璟之子也
太宗九子長元佐封漢王汝忱卽元佐七世孫善
強之子也太宗第六子元偓封鎮王不揉卽元偓
之五世孫乃武節郎士崧之第四子官從事郎太

祖四子次子德昭封燕王師曹師厲皆德昭七世
孫師曹之父伯邈師厲之父伯道皆贈從義郎子
說之子則師曾師厲爲其祖兄弟也太祖第四子
德芳封秦王與詵爲德芳九世孫希璿之第二子
也題名諸人之可攷者祇此餘皆無攷三山高惟
月題記云歸興翩翩賦念奴嬌一闕今搨本不見
其詞檢詞綜亦未錄其人又題名中有郡人卿槐
卿姓見風俗通云虞卿之後然無一人登史傳者
此云郡人豈永州著族耶長沙慕容選題記云瞻
禮金僊遍遊諸洞次日設僧粥浴殆在澹山寺也
飯僧爲檀越功德次之僧粥亦飯僧之意至設僧
浴則勦見此題豈僧浴不易舉亦待檀施耶青社
董令升題云懷素千文墨本真蹟余家所藏嘗刻
石鄉里顯上人同郡人也得之余家此敘懷素真
蹟之顯晦亦書家法帖之故實識以備攷錢塘楊
巨卿字信甫官河陽節度推官知零陵縣事熙寧
七年兩度遊澹山一在正月一在九月夫以官爲
縣令而能題名紀遊則其居官政績從容餘暇可
知而稽之浙江通志杭州府志俱不載其人蓋修
志不廣採金石則人物遺漏文獻無徵積病由來

已久附識以為志乘家之勸石刻題名之有姓有名有字始乎宋時此題有襄陽郤塵王淦函道萊人習隱盧汶聖鄰郤塵習隱二人之號也以號冠乎姓名之上則始見此題蓋在嘉熙二年南宋末之風尚矣作書有以戊戌為戊戌者尚沿唐人書體之舊侯希璉字書無璉字似當作璉係唐武后所制聖字此仿而書之而有譌也

飛白七字

石橫廣五尺一寸四分高一尺五寸橫書在杭州府仁和學

慶曆八年四月二十八日

大仁和學仁宗御書飛白七字側記皇三十九四字乃

碑石紀數也

孫星衍寰宇訪碑錄

慈恩寺塔題名二十二段

塔凡三門題名刻于門楣之上此其一也四行行十一字左行

提點刑獄口口口口口口口口

部都王元百祥

同提點刑獄劉建勳周輔慶曆八年九月十六日同遊

又隸書殘缺止

庫太素雷簡夫太簡慶廳

又正書殘缺止存四

嘉祐壬寅歲五缺祖考而降凡六喪既事會親舊于是

庚午初口丞口興

又正書五行行十三字左行

北曹外郎康定軍使盧盛損之前懷州河內簿陳知益

友直弟知恭德基知宣德牀姪安期海翁偕從都漕陳

大卿自杜城遊華嚴至此治平甲辰六月三日題

又正書殘缺止存三

州河內簿陳知益友直弟缺基知宣口口姪安期海

翁口從缺口口口口杜城遊華嚴至此口口口口

口日題

又正書五行行八字左行

都轉運使潁川孫永副使河東毋沈高平范純仁制置

解塩判官河南李師錫熙寧元年三月十八日游

又隸書四行七字

知府事吳中復新知梓州李大臨前知閬州崔度熙寧

六年二月九日題

又隸書六行十四字

資政殿大學士知越州趙抃度支郎中轉運使皮公弼

太常少卿知同州毋沆太常博士提點常平倉章棗同
登慈恩塔過杜祁公家廟遂會于興慶池館熙寧七年
仲冬二十有二日龍圖閣直學士知軍府事吳中復題
右吳中復題名在西安慈恩塔八分書甚有法按趙
閱道以熙寧三年四月自政府乞罷改資政殿學士
知杭州後改青州召見以大學士再知成都乞歸知
越州此題乃由成都移越道經京兆時也中復知永
興軍棗提舉陝西常平俱見宋史本傳公弼任陝西
轉運使亦見食貨志杜祁公衍家越之山陰晚年退
居南都卽今之歸德府也似不當立家廟於長安且

北宋大臣罕有立家廟者或別是一人非衍也潛研堂金

石文

又隸書殘缺止存四行行十餘字不等

缺
□□□□葉□□□□

缺
事虞部外郎俞希及景賢

提舉□□□作佐郎杜常正甫

□□□□□□□佐郎喻房明仲

又正書七行行三字左行

張琬蔡文卿楊國寶葉攄同遊丙寅元祐元年閏二月
五日

又正書二行行
八字左行

范登元祐二年丁卯歲四月十八日偶題

又正書四行行
十字左行

承議郎新通守清江郡事瑯琊王評漢卿奉使岐雍展
先瑩回登慈恩塔元祐三年八月上澣題

按漢制公卿以下皆五日一休沐唐會要永徽三年
上以天下無虞百司務簡每至旬假許不視事以便
百僚休沐則唐時十日一休沐矣休沐亦謂之休澣
唐書劉晏傳質明視事至夜分止雖休澣不廢是也
宋時百官旬假循唐故事故有上澣中澣下澣周益

公撰光堯丁亥本命道場滿散朱表有日逾中澣之
句攷其日乃十月二十一日又撰四月十八日丁亥
本命道場朱表亦云日近中休然則每月之二十日
為中澣日上澣必月之十日矣一旬之中止一澣日
今人以上澣中澣下澣當上旬中旬下旬既失其旨
又休澣惟有官人乃可用之不當通於士庶也漢卿
當是駙馬都尉誥之昆弟潛研堂金石文跋尾

又行書二行
行十二字

駙馬都尉王誥再遊元祐癸酉

王誥晉卿宋初功臣全斌之裔全斌子審鈞為永興

軍駐泊都監因家京兆晉卿於審鈞為曾孫則京兆
乃其故鄉又攷王評題名有展先塋之語則晉卿之
屢遊慈恩殆亦以展禮先塋之便歟

潛研堂金石文跋尾

又 正書十行行三字左行

德安王端建安章綽南幽張舜民崇寧丙戌歲重九日
同登進士章萊從

又 正書六行行九字

睢陽徐處仁擇之京地何常德固管城李諫智甫大梁
曹訥子問成都郭倫與權西洛趙佺真叟浚儀劉仲祥
公善政和改元孟夏十三日

又 行書二行行八字

康訓种師周李延祚李景儉司馬朴政和四年四月晦
日

又 正書五行行六字

河南趙耘老因暇登塔觀唐人墨蹟時政和丙申七月
二十有四日也

又 正書八行行七字左行

瀟溪真常寓此避暑自宣和庚子歲歷辛丑壬寅癸卯
甲辰凡五夏更三十甲子雖未能拒造化而造化亦不
能煉吾也復嬰返黑上真豈欺我哉刊者姚彥

始又行書九行
行五字

宣和辛丑夏五月大熱異常與邵子文李秉文种次冉
王服膺二十七日逃暑卧塔下晦日暫歸當卜再至王

正叔題

又正書六行
行二字

黎獻民向宗京陳似楊舟李處俊宣和辛巳

又草書四行
行十字

獨上慈恩塔疎懷亦慨然異朝多少事不改舊山川宣

和四年八月旦范智聞

又正書三行
行八字

張智周桑彦周孫昭遠趙君表袁仙夫

按陝西通志慈恩塔在西安府城南十里曲江池

北內有浮圖塔六級卽雁塔後重加營建至十層

兵餘止存七層長興中西京畱守安重霸再修之

判官王仁裕有記宋張茂中遊城南記云長安士

庶每歲春秋遊者道路相屬熙寧中富民康生遺

次經宵不滅而遊人自此衰矣此題名二十二段

皆來遊者所刊起慶歷八年訖宣和四年凡七十

餘年其中泐不能辨者數人其姓名可辨者得六

十三人以史傳攷之雷簡夫字太簡德襄曾孫康

定中杜衍薦授簽書秦州觀察判官公事既罷居
長安此題上下殘缺上存康太素不知其姓下有
慶歷字則是居長安時所題也墨池編稱其善真
行書書史會要稱其少年學褚河南聖教序歐陽
率更醴泉銘顏太師家廟碑然則其居長安日久
摩挲諸碑書學宜乎更進矣孫永字曼叔世爲趙
人徙長社神宗卽位累擢天章閣待制安撫陝西
歷河北陝西都轉運使此題熙寧元年正官都轉
時也范純仁字堯夫英宗朝累遷侍御史議濮王
典禮論奏不聽遂還所授告勅家居待罪尋詔罷
追尊起純仁就職純仁請出不已遂通判安州升
知蘄州歷京西陝西轉運副使此題與孫永同游
卽其時也吳中復字仲庶與國永興人累擢天章
閣待制知澤州瀛州移河東都轉運使進龍圖閣
直學士知江寧府歷成德軍成都府永興軍此題
有二一爲熙寧六年一爲七年皆知永興軍時也
中復又工八分書益部談資載百花潭口有任氏
一碑乃熙寧間吳中復撰書則其知成都府時事
矣又歲華紀麗譜載其遊海雲寺倡和詩亦知成
都時作其六年同遊者有新知梓州李大臨史傳

稱大臨字才元成都華陽人神宗朝累工部郎中
出知汝州徙知梓州據此題知當時大臨由汝州
經陝西入梓州路也又據畫繼稱成都李才元世
以書鳴又可知其書畫兼擅也其熙寧七年吳中
復題云與趙抃皮公弼母沈章棗同登慈恩塔過
杜祁公家廟遂會于興慶池館潛研跋謂杜祁公
衍不當立家廟於長安此蓋誤以唐之杜岐公爲
宋之杜祁公也新唐書杜佑傳佑字君卿京兆萬
年人憲宗在諒闇攝冢宰明年拜司徒封岐國公
宋敏求長安志萬年縣所領朱雀門街之東從北
第一興道坊次南開化坊次南安仁門有太保致
仕岐國公杜佑宅其後或卽以宅爲家廟未可知
也岐公祁公以音同致訛耳杜常字正甫衛州人
昭憲皇后族孫中進士第調河陽司法參軍事積
遷河東轉運判官崇寧中累至工部尙書以龍圖
閣學士知河陽軍又據畫繼錄云神宗聞昭憲之
家有登第者甚喜有旨令上殿翼日謂執政曰杜
常第四人登第却一雙鬼眼可令提舉農田水利
又據河上楮談云臨潼驪山華清宮溫泉在焉中
有萃玉屏皆宋元人及今人詩刻內杜常詩四篇

金石錄卷一百三十三
前題權發遣秦鳳等路提點刑獄公事太常寺杜
常後跋云正甫大寺自河北移使秦鳳元豐三年
九月二十七日過華清有詩四首云云此題殘闕
存者三行杜常與俞希及喻房同遊無年月俞喻
二人無攷惟杜常史有傳然不載其官陝西據河
上楮談則此題乃元豐三年提刑秦鳳時也而系
銜有太常寺史又不載此題上有提舉□□□作
佐郎八字若據畫墁錄所云則當是提舉農田著
作佐郎也然史又不載其官著作佐郎皆當闕疑
俟攷章綽附見章棗傳棗字質夫建州浦城人七
子第三子綽最知名第進士歷陝西轉運判官入
爲戶部員外郎張舜民字芸叟邠州人徽宗立擢
左諫議大夫徙吏部侍郎旋以龍圖閣待制知定
州改同州此題以崇寧五年丙戌王端章綽張舜
民章棗同登但署其貫而不系銜據傳則綽爲轉
運判官舜民知同州也章棗雖無攷以章棗傳證
之棗孫芟蓋皆附傳棗與芟蓋字皆从艸則亦棗
中大夫尙書右丞丁母憂免喪以資政殿學士知
青州徙知永興軍何常字德固京兆人累官顯謨

閣待制知秦州李諲附見李南公傳南公之子也
鄭州人字智甫傳載其歷官陝西者四次初哲宗
朝由河東轉運判官徙陝西次以直龍圖閣知熙
州又次爲光祿卿後數年爲陝西轉運使又次代
錢昂爲鄜延帥復徙永興此題以政和改元同遊
而不系銜傳載歷官陝西而無年月故不能攷定
也司馬朴附見司馬池傳池曾孫光兄旦之孫也
字文季少育于外祖范純仁後以純仁遺恩爲官
累調晉寧軍士曹參軍中州集稱文季工書翰有
晉人筆意其遺墨有雪霽同韓公度登圓福寺閣

和李效之詩云云此題以政和四年與康訓神師
周李延祚李景儉同遊皆不署官位里貫不知司
馬朴卽其人否也張智周桑彥周孫昭遠趙君表
袁仙夫五人但題姓名而無官位年月惟孫昭遠
有傳云字顯叔眉山人元祐間進士歷鳳翔天興
縣建炎元年累遷河南尹西京留守西道都總管
其冬金人來攻昭遠戰不利爲其下所害當卽其
人餘俱無攷

富平縣李太尉祠堂記

碑連額高一丈一寸廣四尺六分十二
行行三十字並額俱正書在富平縣

耀州富平縣唐李太尉祠堂記

著作佐郎知縣事王哲撰

華陰張大中書

主簿廖山甫題額

予口富平視事之踰月按圖邑之西三十里有李太尉墓誌曰臨淮也邑之西南十八里有廟曰赤眉誌不其載其事蓋炎劉中絕長安之亂厥號不滅里毗之所爲耳噫是可以篤訓耶因遣行視其墓則無有惟顏魯公爲其碑表存焉甚可怪也一日公檢校至其所召父老詢之則曰是東直七百步越廬井林木之外聞之李相

公園也遂往視焉則東西二塚田禾中僅存耳猶有石獸按顏文西則司空公東則太尉也太尉忠謀武烈克建大勲與郭汾陽偕爲唐社稷臣諸將無能出其右者魯公清賢傑識爲文以表其墓顧不得春秋時祭而亂臣賊子乃竊民之奉獨時祭而嚴畏之嗚呼俗狃淫祀不知善惡之別也至於此亟命毀之以其材作太尉祠堂使知忠賢勲勞可以享百世之祀亂臣賊子可以蒙千古之誅不亦宜乎皇祐元年夏六月壬戌朔記

僧普臻刊

按李太尉卽唐李光弼也光弼累拜太尉兼侍中

進封臨淮郡王事蹟詳顏魯公撰神道碑已見本書九十二卷唐書有傳碑文又載顏魯公集此碑千古所稱西則司空公東則太尉司空公謂光弼之弟光進也太平寰宇記載李光弼墓在富平縣西四十里陝西通志則云在富平縣西北三十里覓子店光弼墓旁卽太尉祠祠旁卽光進墓然則太尉祠在兩墓之間矣碑亦云按圖邑之西三十里有李太尉墓疑寰宇記作四十里者訛也

改賜終南山宮觀名額膝石橫廣二尺七寸六分高一尺六寸十九行行十字至十七字不等正書在西安府藍屋縣

順天興國觀住持賜紫道士王全矩書

中書門下 昧鳳翔

內中高品都知李神福送到劄子鳳翔道士張守真奏乞改賜終南山宮觀名額奉

聖旨依奏送中書

鳳翔終南山樓觀宜以順天興國之觀為額膝

奉

勅如前膝至准

勅故膝

端拱元年十月十八日膝

戶部侍郎參知政事王

戶部侍郎參知政事辛

中書侍郎兼戶部尚書平章事呂

守太保兼侍中

大宋皇祐元年歲次己丑十一月丙申日建

聖師弟道士劉全穆 小師韓處淵胡處和李處清

觀主賜紫 道士強德安


梁志刊

按蓋厓縣宋時屬鳳翔府故此牒云鳳翔終南山樓觀也據牒順天興國觀額以端拱元年改賜陝西通志訛作端拱三年長安志則云興國觀本名

宗聖觀太平興國三年改今名疑太平興國三年所改者但有興國二字至端拱元年乃加順天二字也牒以端拱元年賜至皇祐元年始刻石年月後列銜四人據宰輔表戶部侍郎參知政事王者王沔也戶部侍郎參知政事辛者辛仲甫也中書侍郎兼戶部尚書平章事呂者呂蒙正也守太保兼侍中不署姓乃趙普也勅牒之例宰相出使在外則但列虛銜以表攷之則淳化元年正月趙普出為西京太守河南尹但其時是守太保兼中書令非兼侍中若端拱元年則兼侍中加太保非守

金石錄卷三十三

三



太保表與牒彼此小異

太保表與牒

大將軍兼可陪尚書平章事呂希呂蒙五應守太尉
 師王西出司濬州項參映如事辛辛仲街處中書
 觀發既論四人執率轉表可陪并項參映如事王各
 宗由難以繼舞示羊顯至皇流示羊故陵百羊民
 復如香以育與國三宰至繼舞示羊氏映顯天正
 宗聖贈太平興國三年如今各發太率興國三年



